

晚晴籟詩匯

第四七册

晚晴移詩匯卷一百二十一目錄

郭尙先

三首

唐鑑

入首

許乃濟

入首

吳慈鶴

四首

陳運鎮

一首

路德

九首

陳瑞球

四首

麟慶

入首

劉鴻翱

二首

張岳崧

四首

王家相

七首

黃安濤

六首

杜薇之

一首

齊彥槐

十首

李曾馥

一首

吳乙照

一首

王棻

二首

張應昌

二首

吳懋清

二首

沈濤

十一首

張心淵

四首

顧翰

九首

張深 六首

蔡聘珍 一首

孔昭焜 一首

陳均 一首

強溱 一首

鄭璜 四首

鄧顯鶴 五首

李福 二首

王毓麟 一首

顏斯總 三首

王懷孟 一首

厲同勳 六首

馮相芬 二首

晚晴簃詩匯卷一百二十一

徐世昌

郭尙先字蘭石莆田人嘉慶己巳進士改庶吉士授編

修官至禮部侍郎有增默庵詩遺集

詩話蘭石以文學官侍從奉使衡文號稱得士書畫兼擅其長染翰舒箋雍容華貴猶有康乾老宿風度

題黃仲則集卽效其體

駱丞詞筆未登科長爪通眉顛頰多錦瑟春心迷斷夢銅  
笳響吹入悲歌才難爲用應緣傲詩到能窮始不磨幾許  
宰官圖作佛圓成竟讓病維摩

拂水山莊

降表修成看陸沈仍希姓字附東林名山悵望中州集歧  
路徘徊上堵吟天火不容留宛委佛鐙可許懺威音青青

轉羨章臺柳，擘石研丹見素心。

容易

容易愁人唱惱，公况兼紅酒。謝荷筒連旬稱病辭，今雨得句無題託。古風歸燕，依人如話。別賓鴻學汝共書空，平生最喜談秋興。領略年時已不同。

唐鑑字鏡海善化人嘉慶己巳進士改庶吉士授檢討

歷官江甯布政使太常寺卿諡確慎有詩文集

詩話鏡海潛研性道宗尚閩洛晚年致仕主講金陵文宗朝召赴闕下進對十五次以力陳衰老不強服官令還江南矜式多士其紀恩詩云若將書院同祠祿更與崇階作告身卽指此事稽古之榮恂一代所罕見也

秋夜

檻外露華盈，垂簾氣獨清。蟲聲吟四壁，鐙火近三更。編簡

有餘味鄉關無限情紙窗留月色老樹一枝橫

舟過崑山

雙橈乘激浪一葉趁輕風塔立斜陽外山移薄靄中鐘聲  
遙出寺樹影暮浮空勝地知多少登臨興未窮

過黃河

萬里安瀾日頻來喚渡時風驅征雁急雲逐片帆遲捧土  
原無術乘槎會有期中流思砥柱激濁更伊誰

粵西雜詩

湘江撼衡疑灘江走桂管二水本同源分之各異畛羣山  
鬱其間矧碑而嶮嶙或蹲如虎霸或伏如蚌蜃縣延二千  
里其勢不能盡五嶺起嵯峨清淑此中蘊聞有綠髮翁雲  
霞與深隱若往從之游瀟然脫塵坌可柰世間人不知反

其本

入九排至桐木墟

緩聲嘯不住遠在半峰間嶺樹谿雲合村籬礪水環蠻煙  
通象郡夜雨入猿山一路逢田父提壺有笑顏

巢縣漫灘圍盆渡

盆高二尺圍丈餘數人環坐中心虛篙師持篙撐徐徐前  
仰後俯波中冕平時積貯供倉儲此盆本是田家須茲逢  
大水盈溝渠沿山之下浸爲湖以盆當作中流壺我本砥  
礪希廉隅斲方爲圓觚不觚濟人無術胡爲乎依然一樣  
畫蘆葫今年奔走窮長塗先驅楚粵後齊吳竭來水滸舟  
楫無揭衣就渡雙趺跌有如鴟夷逃陶朱又如木罌斬龍  
目坳堂一芥差相殊冰牀水馬都不如何妨縮瑟同侪儒

蕩漾中央小似孟遷迤登岸理我裾欲挽河伯與之書冊  
使赤子化爲魚

襄陽

萬山西轉水環東南北關鍵一鎮雄司馬平吳由峴首卧  
龍扶漢起隆中賢豪本繫興王事耆舊猶傳隱者風自歎  
鬚眉太塵俗何從修敬訪龐公

廬州陷江中丞陣亡詩以哭之

中丞英爽一儒生三載披堅卓有聲正冀登壇推上將誰  
知授命死危城征南渾是春秋義蜀相長垂宇宙名欲問  
廬江消息渺幾回惆悵淚縱橫

許乃濟字作舟號靑土錢塘人嘉慶己巳進士改庶吉  
士授編修歷官太常寺卿



詩話青士與其兄菊船榕泉弟玉年慎生幼從學於戴九橋安詩葛秋生爲繪橫橋吟館圖以紀其事青士官給事時以政生見稱時鴉片禁方嚴青士獨疏請弛禁徵稅被旨切責

### 擬孟東野聞碓

新寒昨夜至戶戶傳哀碓秋風一萬里送入游子心不怨  
軍門笳不悲關塞笛如何枕戈者淚滿征衣滴  
寄書書不達寄衣衣欲裂誰將一片聲敲落千山月欲知  
聲中悲請看指上血血指猶可澣柰此雙鬢雪

### 題靈芬館圖

分湖湖水到門清短檝移家有鶴迎偏解柔情爲兒女未  
妨傲骨見公卿能貧卽是詩人福下筆還妨後世名鐵笛  
紅樓沈醉處爲誰腸斷補新聲

### 琴鳴舊廬餞別頻伽兼山

頽雲沈沈障碧空，雷車夜發轟殘冬。  
雪花融液作苦雨，萬感楂枒如亂峯。  
入門把臂忽傾倒，今日重逢郭有道。  
如何便放湖邊舟，識君苦違別君早。  
延陵公子翩然來，相看身世俱塵埃。  
下牀動足各萬里，不如且盡尊中醅。  
作歌贈君君已醉，畫君窮途兩行淚。  
悲歡聚散徒紛紛，一笑明蟾夢中墜。

將有嶺南之行琴鳴諸君飲餞於理安寺松巔閣賦

詩留別

春風欲白江上梅，春波鼓鼓檝江邊。  
催人笑指湖山好，勸我且酌黃金壘。  
停橈挈榼探幽壑，殘雪峯峯聚銀鶴。  
萬竿翠竹壓空亭，百丈蚪松擁高閣。  
倚閣長吟怯南望，酒痕狼藉增惆悵。  
悵枕椰煙冷，鷓鴣嘯。明日相思阻青嶂，此閣此會

何時忘後約更待寒梅香  
圓蟾潛吐夜潮落江天揮手雲  
茫茫

夜

天闊星芒大風高月勢孤  
鐘聲敲未歇人影澹疑無  
西轉窺銀漢南飛感夜烏  
夫君渺何處流夢入江湖

偕友冒雪登江亭歸至春雲書屋小集

幾重煙樹萬人家回首蒼茫  
點暮鴉潑墨倒銜天四角飛  
花爭擁路三叉遙峯孤立癩  
如鶴古郭盤空曲似蛇快馬  
健兒今不見只餘蓑笠倚風斜

親向蓬山掣巨鼇扶歸笑指  
玉樓高箏瑟繡帳圍春酒筵  
鼓邊城冷佩刀短夜悲歌憐  
綠鬢殘年愁思到青袍梅花  
消息餘香夢不賦閒情賦老  
鬢

吳慈鶴字韻皋號巢松吳縣人嘉慶己巳進士改庶吉  
士授編修歷官侍講有岑華居士蘭鯨錄鳳巢山樵  
求是錄

南浦

章水平鋪碧玉流  
稀疎紅翠可憐秋  
勸君莫下銷魂浦  
三板輕船不載愁

多年葛帳綻裂以紙綴之戲賦

敝帷皴裂不須憎  
祕有麟膠欲自矜  
婦拆海圖供補未  
兒眠秋雨蹋穿會  
長飢絮蝨生涯換  
易飽書魚食料增  
從此梅花通夢寐  
夜窗涼月浸層層

題從舅戴春溪孝廉

鼎恆  
詩集

春溪於爲詩有險必深入青山驅而前碧海喝使立死紅

乾春叢病綠埽秋隰長鯨膾鸞肥雌鳳啄髓吸癡駮麗女  
鑣幽憂玉童墊月爲破鏡飛地已清淚溼嗚呼郊賀亡其  
柄君可執孤情鏟鴻濛大雅扛業岌余生慕奇士善善徒  
汲汲常憫大法摧得君破憂悒虎豹必山居蛟龍必水螫  
所貴養其用動闢恃靜翁六經乃高曾百氏資拱揖潢污  
無根原溟渤萬水集維南崇者山仰止跂可及期君樹宏  
達杜韓有梯級

舟中檢錄舊作感賦長句

少小詩才苦不縱束縛霜毫萬牛重有如工女立寒窗刻  
翦袞裳作鸞鳳雖然十指盡僵裂神物焉能爲我用十年  
學詩祇自慚那有一篇堪百諷一自明湖醉風雪復出從  
軍事鞍鞞青燐白骨皆眼見恨盡愁花亦心痛夜鐙草檄

百紙空曉月吹鏡萬夫開玉貌歌來尙戰場金杯丐處均  
斯從從此豪情風雨至倏忽高歌鬼神送流黃奪得九張  
機織出天衣盡無縫李杜韓蘇生不再袞袞羣兒空簸弄  
放翁詩訣已輕傳清鐘誰更敲秋夢

陳運鎮字中緯號其山孝感人嘉慶己巳進士官工部  
郎中有滄浪亭詩鈔

甯遠道中

高峯初射海瞰紅匹馬衝寒更向東萬里風來鵬背上三  
邊春盡雁聲中神京左輔山河壯帝里先疇樂利同迴首  
長城如戶限祖龍猶未是英雄

路德字閏生盩厔人嘉慶己巳進士改庶吉士授戶部  
主事有櫻花館集

詩話開生以道誼高鄉里名爲制藝所掩聞文介稱其懷抱峻潔遺棄榮利言學言理切近踏實教人以不外求不嗜利爲治心立身之本非尋常才士文人可同日語今觀其詩雅贖修潔不事塗澤而一種雄直之氣溢於楮墨所謂不求工而自工者

趙州

買絲爭繡佳公子頗謂平原能好士樓頭一笑紅顏摧食客紛紛來復來我言此事非人情如何浪得憐才名惡客一言九鼎重美人一死鴻毛輕君不見樂羊啜子甘如飴功成反使文侯疑又不見吳起殺妻爲求將母死不奔心早喪公子天下寡恩人可知好士情非眞賢者聞風定高蹈公等碌碌安足論吁嗟乎慧者足笑者頭千秋恨事良悠悠我今獨酌中山酒不願將杯滴趙州

石河早發

膠膠喔喔荒雞鳴古壁塵昏懸短檠旅客未醒蝴蝶夢山  
村亂打蝦蟆更樹頭殘月墮無影衣上曉霜飛有聲薄酒  
三杯醉不得令人苦憶河陽城

陝郊

徧地峯巒鬱不平出關形勢莽崢嶸一條黃水塵沙色萬  
樹白楊風雨聲野店荒寒無客憩山田犂确有人耕犢車  
滿載斜陽過鐵鑄雙輪分外明

咸陽原上作

西風獵獵戰蒿萊畢郢原荒木葉摧曠野無邊單騎走長  
空忽暝亂鴉來碧雲迢遞人千里訪姬杏農不遇青史功名土一  
抔漫把文章誇不朽百家書已變秦灰

重陽前三日作



秋深寒淺未聞霜籬菊無花野菊黃對酒便須拌一醉登  
高何必待重陽新來僮僕呼先到久別賓朋姓亦忘詩境  
自知多世率題饒安敢笑劉郎

張忠烈公硯爲曹莪配少府作

涇渭東流似奔馬客到秦中訪秦瓦張公破硯出市中莪  
於長安市上經年未售識者寡曹君一生耕硯田得如拱

璧珍拳拳道此本是故鄉物張公鄞人少二十四字蒼水

鐫硯有張公自題銘辭共二十四字銘曰投鼠支牀幾  
經摩劫堅貞不渝何嫌破裂佐我揮濡長此斯夕楚

人得弓意殊快無心相遇真天緣昔年義旗豎海上軍敗

烹龍志猶壯公兵敗遁入舟山即今定海舉舟師奉魯王

乃龍所化頃刻風雷大作各舟趙崇明待潮大洋山山上有羊羣取烹之羊

盡覆惟公與魯王數人得生魯王已死唐王孱坐使孤  
臣氣彫喪迹自擬螻身藏乘勢還思螳臂抗白蟻無聲

健兒入柳鎖香風吹習習

公至象山島中結茅屋後有大樹蓄白蟻其上有登岸者蟻

即鳴公得乘舟而逸當道者數年不能得公有舊卒爲普陀僧者常至公所謁所熟識僧至不鳴官偵知之誘僧先往而以兵隨何人伏鎖尙從容笑着錢塘好山色錢塘江之遂被擒

上一杯土右鄰忠肅左忠武

公詩有日月雙懸于氏墓乾坤半壁岳家山之句鄉人遂

葬公於于岳二墓間

椒漿恨未醉忠魂手澤今朝快一撫國破安用

身獨完此硯與人同膽肝趙璧拌教碎秦柱玉帶詎肯隨

黃冠滄桑變換二百載到今墨繡猶斑斕君不見虞山甘

作長樂老貳臣傳裏名難剗梅村祭酒號詩史惜哉所欠

惟一死張公大義心炳然玉碎終知勝瓦全此硯他年返

粉社士林佳話爭流傳雙松別墅好風日

墅爲香山尉蓋屆時舊蹟少府

葦仙尉開軒布吟席錦軸新裝松雪書牙籤更檢子山集

會須移向別牀攤莫近張公一片石

讀罷

綠蘚巖扉白晝扃  
略餐芝朮便延齡  
仙丹止合神仙用  
傳到人間便不靈

飲王小樓伴耕樓

觀稼最宜樓禦雨  
莫如瓦小樓  
豈區區時有清風灑花木  
紛四圍  
肯舍場師櫛耕讀  
課兒孫  
卽此是弓冶  
冬曝南榮前  
暑卧北窗下  
高朋時往還  
唱和殊不寡  
我生今倦游  
乘興亦聊且  
久悟蟲能蠹  
今知馬非馬  
感君移酒肴  
論詩進三雅  
後會當有緣  
付諸造物者

題郭藕船唐人善業泥拓本

何人佞佛鏤佛像  
坐令尺土開精藍  
面列三行字  
十二楷法  
頗似師河南  
吾鄉珍寶富  
山藪周秦舊物  
靡不有  
吉金

樂石難具詳，氈包駝載東南走。弁山尙書徧搜索，竟有遺珠沈未取。後來游者拾得之一朝，又入郭熙手。嗟峨雨過秋色佳，拓本示我雙眸措。三十六相但髣髴，淨土幾歲遭沈埋。吳畫楊塑不可見，對此聊可開幽懷。昌黎闢佛諫，迎骨訂交方外忘。形骸文人好古足，清玩豈學蘇晉甘長齋。惜哉挫角字缺一鍊石，不用勞神媧大唐二字恰連綴。斷壁湊泊同詩牌，玉卮無當世猶訾。得鼎折足占者止，人間缺陷長苦多。巧合安能盡如此，披册忽然憶疇曩。慈恩塔下尋幽往，秦人熟視竟空還。吳客今來愜新賞，人失人得無町畦。員穹方輿大且廣，太倉稷稻來吳閭。京師十載霑芳香，羅紈綺繡更精絕。西人之子紛盈箱，百貨雜甬不遷地。先聖何苦爲車航，老夫才盡句難警。歌詩不類慚東陽。

案頭笑指舊筆墨二物亦是南人將

陳瑞球字寶虞號韻石羅田人嘉慶己巳進士改庶吉

士官內閣中書有玉屏草堂詩集

詩話韻石與麟見亭同年嘗與魏笛笙王星槎張龍  
樹先後調於邗江時見亭督南河攝兩江總督兼理  
鹽政韻石贈詩有云千里節兼三  
總制一朝觴集五同年爲時傳誦

懷弟九香

崎嶇江右日寂寞兩相看作宦風波險移家道路難晤時  
方漢水別後又長安聽得還鄉里蹉跎歲已闌

累汝拋書卷連年簿領中俗塵今已撲生計又全空畫策  
知良苦研詩可益工相期勤舊業努力在秋風

舟夜

月落沙汀早刺船蘆花擁被尙安眠喧聞雪浪重灘上夢

繞煙鐘古寺邊半載鳴雞疎問寢五更騎馬憶朝天江湖  
濡跡增頽放一聽烏嗁倍憬然

兩泊金陵

菰蒲浙浙雨聲麤畫出江天潑墨圖幾度推篷望牛首六  
朝金粉已模糊

麟慶字伯餘號見亭滿洲旗人嘉慶己巳進士歷官南

河河道總督降授庫倫辦事大臣有疑香室詩集

詩話見亭幼承母教十餘齡即嫻吟詠未冠成進士  
授中書旋自兵曹改坊局出爲監司擢河督河決坐  
左遷生平所涉歷事各爲記記必有圖題曰鴻雪因  
緣記中雜出詩篇時承平已久宦轍所經登臨抒寫  
皆和平雅  
正之音

觀百盈泉

潛流匯方竇山後通靈泉消長應百刻百盈名乃傳往昔

田山薑漏勺留遺篇言越竹林下險徑隨雲穿徙倚坐泉  
上俯視盤渦旋泉落石齒齒石沒泉涓涓循環有至理潮  
汐合自然題名滿石壁蘚蝕成雲煙惜哉祕巖阿利用難  
濟川

月下

飛來一片月挂在碧雲端大地函清氣空階積暮寒微風  
正蕭瑟孤影自團欒對此呼佳釀更深獨倚闌

春陰江行

鼓棹蕪湖去濃陰護遠天溜喧新雨後帆挂曉風前山氣  
蒸成霧江風蕩作煙漁家有春色桃柳倚門邊

雪巖

轉入靈巖境陰生十里松斷山叢樹補古寺亂雲封白挂

亭前瀑青抽雨後峯幽深少人跡溪午一聲鐘

憶西湖

迎薰閣外綠波肥十里荷香人未歸若許夢中身化蝶今宵應傍藕花飛

曾爲尋春試馬蹏蘇公隄接白公隄香山已去東坡老芳樹流鶯故故嘯

贈北極閣醉琴道士

久事元君泰嶽巔漫來此地奉金仙曲中山水參琴趣壺裏乾坤得醉禪十里明湖澄檻外萬峯秋色落尊前道心岑寂塵心定話別長生一蹶然

靈光寺明翠微公主墓

前朝三百寺只剩大靈光野徑盤陀入巖花自在香墓碑



埋巖廟殿瓦墜鴛鴦無限滄桑感空山下夕陽

劉鴻翔字次白灘縣人嘉慶己巳進士官至福建巡撫  
有太湖詩草

周敬修同年令懷遠致書問太湖政績賦以答之  
萬仞青山圍畫城一湖波浪放船行地真山水爭奇處人  
是羲皇向上情大半漁樵爲世業無多雀鼠任鄉平武陵  
何用官經理不必桃源問政聲

差次蕪湖謁靈澤孫夫人祠

鮫室龍宮葬玉鳧漢家王氣日西徂峽雲直去猶通蜀江  
水橫流不向吳精衛何年填巨壑湘靈終古怨蒼梧永安  
宮在蠶叢外萬里關山得到無

張岳崧字子駿一字翰山定安人嘉慶己巳一甲三名

進士授編修歷官湖北布政使有筠心堂集

涿州早發

月華露葉望微茫馬色雞鳴破曉涼  
天上觚稜如夢遠故園風景與愁長  
招邀卻喜逢賢主謂家稽三茂才  
城市猶能說古皇南去關河多勝概  
慚無佳詠壯歸裝

早游寶月臺望七星巖

侵晨發城隈籃輿陟曾阜朝曦散烏雀  
澹霞薄林藪依岡一再成俯池六九畝  
密林映石髮澌流澀溪口延臺循舊術  
矚壁削新剖阡旭蕩平曠巖雲鬱昏黝  
青碧嵌巉巖梵宇雜戶牖于外宮屋屢  
疊複駢指拇造物工雕鏤登臨得幽助  
歸途發遐心願從煙霞叟

溫泉

秦冢今何在唐宮蹟已虛玉池羞粉黛金盃出邱墟故事  
空千載清泉尙一渠振衣聊眺望山色又征車

漢延熹華山碑拓本次朱竹君先生韻爲梁茵林中

丞題

華碣巍巍並嶽峙赤文綠字難可磨坤維一震石夜走楮

本猶得供摩挲四明完幘幸披覽此本爲儀徵阮芸臺相國所藏舊曾覽題椒

華吟舫頻相過竹君先生齋名某與其少河友善數談及此長垣一紙入王邱

商邱陳伯恭先生藏如鼎峙足傳無訛書者蔡郭頗聚訟

長垣本後歸成邸徐記洪釋互切劇集靈望仙此所紀監掾市石何殊科遺

文祀志攷禱祭古物石鼓尊曰窠當時建武禮從省侯維

安國銘可哦二千石主是秩望壇場共肅陳舞歌歆芳禳

札民所悅吉祥孳斂仍駢羅豐碑特紀延熹歲京兆欽若

爰磨磋此碑焜赫照巖麓樵牧或被靈之詞宜峙萬古通  
沈澗金天神宅居同那夫何陵谷祕奇迹變遷歲月如流  
波僅傳甕蠟自趙宋奚翅古樂聆雲和曾聞郭髯逮山史  
佐史裝製文無頗笥河主人號精博什襲寶笈森錢戟羽  
人古異出仙骨毛女婉嫵迴霜娥蓮華十丈開玉井影落  
紙墨香痕多中丞嗜古富搜討對此據案欣摩摩千金市  
駿有奇癖傳觀眾口咸呵呵古色斑駁歷萬褐墨痕光澤  
煩干螺名花供養儷彝鼎祕文璀璨同斗蚪有明迄今盛  
款識國初諸老觀婆娑寶蘭堂增希世寶中丞得唐墨襖  
敘以名其堂  
恍憶登華披煙蘿觀碑何須匹馬駐移石奚用干牛馱點  
畫上追嶧山石波磔卑視虞家戈此本示我得古法如導  
星宿探黃河公攜此册歷桂筦精氣遠耀光自他願公巨

筆摹百本南雲寄我情如何

王家相字宗旦號藝齋常熟人嘉慶己巳進士改庶吉

士授編修歷官河南南汝光道有茗香堂集

詩話藝齋初舉拔萃科爲蕭縣校官值大水被檄治

賑有愛於民入諫垣江南大吏議征漕加米疏陳十

不可諍之議中

輟尤傳誦於時

水車謠乾隆乙巳夏天久不雨秧田屏水晝夜不止

尚舒也繼曰米無麥無聲漸促也後曰被當當去

被當當力已疲而聲懈也余聞而憫焉作水車謠

米有麥有門前桑棗槐榆柳齋錢買水牛收秬釀春酒南

鄰杯盤邀社叟北鄰簫鼓迎新婦夜戶不閉風大同餘一

餘三復餘九米有麥有

米無麥無火雲日日燒肌膚燒肌膚汗全枯兩足瘦損何

人扶一身屈曲如籬條此時勞苦不得舒他日官吏來催

租米無麥無

被當當被當當河枯田岸高於嶂  
三步四步五步車啞啞  
啞啞聲不暢一步車五人  
人人各殊狀瓶中米麥久已空  
出無腰襦入無帳亦知性命懸  
須臾且向中田謀餼餉被  
當當被當當

對雨

不辨蒼茫霧與煙冥濛一氣蔽江天  
陰濃蜀郡童童樹潤  
入揚州下下田野色清當登麥後  
雨聲暢及插秧先卻宜  
小簾疎簾下爐篆無風自在眠

袁浦登舟

風柔水滑櫓聲輕人在江南畫裏行  
兩岸綠陰舟一葉果  
然雲樹盡多情

月色江光漫泝沿鄰舟何處撥鷓絃可憐暮雨瀟瀟夜不聽吳歌已一年

晚抵劉智廟

一角斜陽在酒旗馬因長路覺行遲雲光白到天垂處野色青如雨過時簫鼓東風人賽社臙脂北地客留詩潁川遺跡猶存否我欲披苔讀舊碑

黃安溥字凝輿號霽青嘉善人嘉慶己巳進士改庶吉士授編修歷官潮州知府有詩娛室詩集息耕草堂

詩集

詩話凝輿初官高州未一載平獄以干計治潮嚴杜殺人代抵之風所至好扶植士類折獄時援經義不自遣問流率易

肅武親王墓大松歌

蒼蚪力拗干霄勢卻走橫枝塞空際驚濤傾瀉萬壑風濃  
蔭周遮百弓地梢長葉密骨幹重架木盤盤四圍捧白日  
陰森苔磴寒行人下馬神先竦一株最巨當墓門五株拱  
揖如弟昆冰霜不改古時色雨露自沐先朝恩九泉蟠曲  
根如鐵琥珀斑斑凝汗血龍鱗怒裂蚪髯張想見當年態  
雄傑維王手挈千熊罷佐命入關開帝基埽除流寇奠秦  
蜀戰功赫奕垂豐碑箕尾歸天留毅魄宗盟世篤同磐石  
殞宮宰木鬱蔥蔥一派滋培關國脈

西山題名作

隸書道光八年十一月望日知潮州府  
事嘉善黃安濤蕭縣朱珍吳江潘眉甯

化伊念曾東游命  
弟若濟監工鐫石

自有此山有此石萬古無人留筆跡我曹乃欲記姓名應  
被山靈笑啞啞伊子躡屩汀州來非是尋常行路客過庭



墨妙擅八分不倩磨巖眞可惜解衣十丈繩梯登兔豪禿  
蘸墨幾升庚庚石理細熨帖雲煙吐納龍鸞騰萍蹤偶借  
墨緣結好事還憑後人說江流永奠民患消此日題名應  
不滅時擬開  
韓江

黔山

黔山了無奇眾皺互高下亙古天西南難爲遠行者石棱  
橫鉤衣沙礫亂戛踝脫愁上竿魚蹶恐注坡馬如何五丁  
跡步步不相捨庶幾生我面開心待輸寫

馬尾一山落馬頭一山起山山不知名日月但如此幾年  
不見山初心見山喜入山轉厭山山靈詎蒙恥尋常屐齒  
間所見我過矣浪游無好山皮相無眞士

飛雲

洞名與牟珠名

奇幻兩擅勝偶因介通衢遂爾引游興

軒輿鎮闐駢詩什競持贈如彼入世人一例務圓應儻教  
鎖煙霞搜奇恐難罄安得謝客兒一一鑿荒磴

湖陽弔黃義士

義士江甯人習名家言明末募游湖陽聞甲申國變投井中死今縣署廳

事後尙累存書笈闕一百八十餘年莫之敢移亦絕無朽蠹前人於墓所建祠屢著靈異道光庚寅春余獄獄至縣作四十字弔之

一介遠游士身亡國社墟旅魂三尺土遺跡幾箱書食祿  
生堪愧求仁死不虛至今蓮幕下香火佛龕如

杜薇之號浣花昆明人嘉慶己巳進士改庶吉士歷官

榆林知府有浣花詩鈔

瑞虹舟中月夜聞雁

搖落湖天迴蒼茫白露秋西風吹斷雁斜月滿江樓客夢  
頻敲枕歸心不繫舟推篷一惆悵雲樹渺汀洲

齊彥槐字夢樹號梅麓婺源人嘉慶己巳進士改庶吉

士歷官蘇州同知有梅麓詩鈔

黃霽青曰梅麓詩原本風雅胎息於杜出入韓蘇撫時感事有爲而作者居多潘榕皋曰言情投贈諸

作兼唐宋之長五古如論治議賑諸什可與左雄王昶奏疏並傳

詩話梅麓學能致用詩多自道所得初宰金匱治賑有聲海運之行實所發端力排眾議卒底於成又通

算學能造儀器集中衙齋書壁十六首剴切洗摯最爲時稱餘論事紀游之作皆洞達無不盡之言而不

珠摹擬才力故自過人

淮上舟行

乳燕檣烏結陣飛蘆芽菱筍一時肥家鄉正作黃梅雨客

子初更白葛衣敲枕夢隨流水遠過江山似故人稀蓬窗

日夕渾無事捲起湘簾看落暉

京邸憶卿雲洞作

大道徑其上大川貫其中洞門高十丈跨水如長虹絕壁  
相倒垂託根自鴻濛豈有雨露到萬古常青蔥人經亂流  
間小語鏗洪鐘似掌一片石寬可百餘弓名曰仙人田阡  
陌橫且縱仙人猶力耕我輩胡獨慵田盡得井穴燭之光  
熊熊深窈不可測或是蛟龍宮涉險生歸心西入出從東  
夕陽照湍瀨炯若金在鏗鐘乳類飛禽影動羣翻風此景  
別來久追寫不能工何當飲雲光一洗塵埃胸

梅龍抱孫歌

自然菴古梅二株天矯如龍嘉慶年間  
爲雷雨拔去其一株枯樁尙存旁茁孫

枝今裁拱把而屈曲槎牙殊有龍  
意張炯齋司馬屬作梅龍抱孫歌

江山靈氣無不鍾兩株天矯梅中龍故老相傳六朝物蚪  
枝壓倒黃山松尾凌青霄首潛硤翠蘚蒼苔作鱗甲空江  
浩淼一枝橫晴昊迷離萬花插江煙江雨日氤氳自然嘯

氣成香雲化作真龍飛不去破山出火雷公焚落角摧牙  
人盡惜焦山自此無顏色豈知根到九泉深地老天荒枯  
不得驂騑又生汗血駒龍種自與尋常殊海風吹長頭上  
角江月懸來領下珠商柏周槐嘗聽說關中有商柏抱周  
槐之樹最古胡雪  
蕉水部有  
詩紀之梅龍抱孫更奇絕左擎右攫走蛟螭可以當年  
意雄傑殘冬到山葢已含遲我一月花初酣梅乎梅乎故  
不凡爲祝焦仙彌勒好呵護使爾千古萬古魁江南

與述菴夜話

述菴爲故人吳學五之  
子學五名鯉通人也

握手語無盡不知星斗闌文章悲故友山水憶新安母老  
吾何適家貧爾亦難荆南一杯酒珍重話爲官

宋祥符封焦隱士墨敕

藏石  
肯堂

不受當時詔何勞後世封仙蹤久已寂帝夢適然逢黃紙

花文古丹鑪藥氣濃猶嫌大夫號唐突泰山松

棧道巖觀米海岳吳雲壑陸放翁題名

名題山石徧兩宋識三人詩老愁無限書家意最真松篁  
蜀棧雪煙兩楚江春我輩登臨處他時跡總陳

重過嚴先生祠堂

寒瀧依舊送歸艫黃葉蕭蕭木又枯千古州爲高士有重  
來山識故人無客星自在雲臺沒漁火雖多釣石孤祠畔  
煙蘿聞我語一竿從此老江湖

燕子磯

翠壁丹巖兩翼開飛翔百尺有樓臺橫江一隻紅襟燕六  
代興亡盡見來

讀翼梅

開闢至今日六千有餘年七十者百人可見開闢前自從堯舜來聖作述者賢寥寥四千歲載籍如山淵書契溯結繩歲遠不過千此上更千歲已逮乾坤元盤古非一人九州有開先泰西與中華紀載略倣焉皇極經世書鑿空以言天曰元會運世人皆信其然豈有數萬載渺無一事傳荒荒復冥冥如夢如霧煙惟有開闢初天地相網縕凝之以爲岳融之以爲川人獸之胚胎草木之根原不知幾何時孕毓而陶甄若自開闢後斷無萬可言吾受子江子誦述成茲篇

四海共一海九州復九州日天一點內容此大地球中國此點中泰山其垓邱人於此點中廣野之蚍蜉蝸角國蠻觸征戰何時休蚊睫巢焦冥身家無盡謀嗜彼天上星大

包四部洲一星一世界數與恆沙侔不識一星中還有人  
物不此星距彼星難測道里修而強牽連之名曰箕斗牛  
又爲分野說下派燕秦周此理恐未然其說近謬悠王良  
一僕夫挾策青天頭世無楚靈均更與誰諮諏

李曾頽字次香號西峯孝感人嘉慶己巳進士官永豐  
知縣有六草軒集

白雲岩

顏垣低壓亂峯西曾此當年建義旗血性城池無版築擾  
鋤子弟盡熊羆秋風鐵馬聲何處夜月沙蟲影自悲猶有  
行間兵氣在一山草木到今疑

吳乙照字然青號子校海甯人嘉慶己巳進士官福山  
知縣有見山廬學吟藁



初至章次白西溪梅竹山莊

西溪十八里到處有兼葭客有此中住求之路轉賒適逢  
三畝宅疏竹夾梅花不向樵夫問門前綰釣槎

王綦字香甫號吾溪景州人嘉慶己巳進士官順天教  
授有吾溪詩鈔

靜海道中

驅車復西下渡口問雙塘空野餘秋潦荒城半夕陽人煙  
團白屋客飯煮黃梁前路堪投宿村醪醉幾觴

秋日書事

幾日東君別鶯花事已非燕先秋社去螢背夜燈飛落拓  
安吾拙疏狂與世違柴門對溪水鷗鳥共忘機

張應昌字仲甫一字寄菴錢塘籍歸安人嘉慶庚午舉

人官內閣中書有壽彝堂詩集

詩話仲甫著述甚富年登大耋其春秋屬辭辨例編六十卷同治朝會進呈有者年好學甚屬可嘉之論所輯詩鐸二十六卷采有神於吏治民風人心世教之作又正氣集若干卷則皆詠歌忠孝節義之事自題二詩特存之

自題國朝詩鐸

吾儒吐言辭於世期有濟豈徒累篇牘月露風雲字樂府  
愛香山陳事比賈誼詩史稱少陵三別與三吏文昌仲初  
儔歌行亦其類上德宣忠孝下情通諷刺聞者足警戒言  
者無罪戾箴誦師矇職興觀懲勸義聖代求昌言交傲勵  
圖治咨諏拾闕遺拜獻補偏敝惜哉充棟編紛若散珠碎  
不免聞見遺曷資韋絃佩披揀集眾益民生暨吏事以充  
銘座詞以爲采風備

自題國朝詩正氣集

忠孝節義事史傳志乘詳詠歎興感易重此歌詩章所以  
載筆者聯珠標羣芳英辭鼓正氣豈惟闡幽光往古難盡  
數斷自今虞唐醇化二百載盛碑碣祠坊但計歌詩篇萬  
首羅琳瑯所見擇尤雅闕者待補亡一讀一擊節其氣至  
大剛比日星河嶽如芝蘭鸞皇教庠塾孺播梵絃宮商  
油然而生幡然頑懦良勝彼志傳文長吟沁肝腸願傳  
萬本讀振世扶綱常

吳懋清字澄觀號迴溪吳川人嘉慶庚午舉人官中書  
科中書有橫塘詩藁

和崑源弟仙奕亭懷古韻

竟不留殘譜當年此遇仙簾疏接山翠瓶汲動江煙歷劫

看柯柄飛空想石船也曾得丹訣擺落歎無緣

山居

家在藤厓石岫中四圍春色一山松買舟欲訪疑無路知在雲深第幾重

沈濤原名爾政字西雍一字季壽號匏廬嘉興人嘉慶

庚午舉人歷官福建興泉永道有柴辟亭集

宗濬樓曰柴辟亭者漸水所東注越國之北塞匏廬  
先生哀詩成集因地立名焉冥會元精網羅庶物孤  
標峻格陶範器流其斂也如澄潭一碧陷嶮萬仞其  
縱也如躍馬大漠揚帆巨川其正也如佩玉曳裾雍  
容廟堂其奇也如驚雷坼土怒挺草  
木誠足感泣鬼神震盪金石者矣  
詩話西雍年十四受知於阮文達刻其文入詩經精  
舍集中及文達再蒞浙呈詩云相看刮目到吳蒙海  
內憐才此巨公幸附龍傳姓氏未妨磨蝎陷星宮  
微茫幾誤邯鄲蠡弄芙蓉幾隻爾雅蟲漸愧縹衫馬前  
拜荷衣總角舊終童又從段金沙治經學金沙為作  
十經堂記稱其於訓詁名物制度民情物理研之深

印明余言卷一 一百一十一  
三  
矣。歷官畿輔數郡。搜考金石。流連觴詠。同時與陶、晁、  
蘄分主壇坫。文士多歸之。其詩少作幽奇。哀豔。中年  
後多詠古之作。才鋒駿發。跌宕波瀾。不落考據詩窠。  
日所著常山金石志及文集筆記詩話諸書。並稱駭  
洽。

### 黃金臺

燕昭築高臺。禮士自隗始。結交須黃金。士也乃如此。劇辛  
樂毅攬金來。大風東海生塵埃。黃金用盡將印奪。紛紛北  
走邯鄲臺。阿孫馬角抱餘懷。思報深讐結神勇。可惜荆卿  
劍術疎。抵竈空費盤金捧。易水蕭蕭督亢陂。頭顱萬里行  
關西。家風好士竟安用。但聞白頭老鴉臺上嘯。

趙飛燕玉印歌爲文後山上舍

鼎

作文曰。婕妤妾趙

僕題跋指爲飛燕印。按漢有三趙。婕妤趙后昭儀  
皆居此秩其一。卽鉤弋夫人也。印今爲文氏得。雲  
藏館所

赤帝死灰然不得雉雉翔空燕飛入山河玉碎不復全此  
印千秋尙堪識吾聞漢宮婕妤上卿趙家姊弟誇傾城  
手持人主嬰兒似一握摩挲想更輕綠綈方底盛以進猶  
疑封藥中丞印禍水初消瑩碧浮唾痕曾染紺華暈又聞  
河間姪女拳夫人婕妤氏亦天水分昭陽鈞弋竟誰主石  
縱能言玉不聞我語主人急韞櫝漢銅易見難得玉莫似  
當時老寡婦握璽不牢崩厥角

淮陰釣臺

古今落落三釣臺釣名釣國臺上來韓侯爾亦何爲者可  
憐王孫窮餓誰相哀羊裘不著鷹揚復開竹竿嫋嫋揭旗  
起赤幟一立邯鄲摧臺邊學得背水陣孫吳死法甯中裁  
噲等碌碌非吾儕販繪屠狗兼椎埋渭濱淮水兩千古英

風令我長徘徊劉季鼻大多雄猜單父野雞構禍胎假王  
爲餌死不悟何如一星長客江之涯蕭相非憐國士才卻  
附呂后成其災當時大將壇何在但見荒臺突兀起草萊

水繪園弔冒巢民先生

鉤黨東京籍琴樽北海賓清流幾公子白髮老遺民一代  
吟詩社千金結客身我懷不可見寒日下荆榛

趙松雪硯

銘曰不雕不琢乃存其樸篆書款署子昂  
二字背銘曰人亦巧我亦拙少鋒銳耐歲  
月行書款署其年二字蓋松雪齋中舊  
物後爲迦陵所得也今藏小歙山館

白雁渡江空啄矢大宋王孫作承旨全家吹落北風中割  
取南天片雲紫可憐不識玉帶生亦未卜卦來橋亭天然  
至寶謝雕琢鷗波洗濯留餘腥蓮花莊冷紅香死淚滴蟾  
蜍瀉鉛水物失所主二百年流落還歸黨人子黨人之子

湖海士避地相攜只君是銅絃一唱天爲驚萬點墨花飛  
不起昔日仲姬捧後此雲郎擊石雖不言如有情篆銘凡  
八言草銘十二字筆所不到想其意樸未能完拙不藏毋  
亦蒼茫感身世吁嗟乎趙家乾淨一片石大都縉塵汗顏  
色庚申甲申運何極劫燼餘灰此頑魄瞪爾鸛鶴雙眼睛  
閱盡滄桑幾家國

賈閔仙墓

癖嗜我何甚瘦吟君獨能並時一寒尉別派九枯僧下馬  
人三拜穿雲路幾層荒原冥漠客誰與爾傳鐙

謁家忠愍公祠

貢市紛紛乞罷兵憂危竝議到儒生萬言封事批鱗切一  
賦籌邊走馬成忠憤豈應論左道英靈猶欲請長纓白蓮



風定餘霞散來奠椒漿雪涕橫

卑耳谿

寒溪繞山曲載雪理短榜一泓空水鮮終古夕陽映傳聞  
齊小白弭節此發令引滿欲援弓涉淺未沒脛太公昔表  
海賜履戒兼并墨胎祀忽諸夫豈先王命柰何勤遠略不  
務德修行將無俞兒神現像以示儆右祛走馬前直以迴  
馭請元祖見角端耶律論乃正仲父侈諛詞阿順得毋佞  
古欺受千載茲覆發誰聽王霸幾戰爭山水仍綠淨吾意  
澹忘言溪流與無競

題樹廬老人文集

南昌彭士望號躬菴國初布衣工古文爲易堂九子之一少時任俠

尙氣曾脫黃石齋先生於難甲乙之際嘗依袁繼  
成史可法復參清江楊文正公戎幕贛州失守後  
折節讀書晚入程山講學  
以終有樹廬文集行世

鉤黨何人出范滂遺民汐社亦滄桑義熙甲子題猶恨德  
祐庚申紀獨詳生祭有文留幕府死綏無地效疆場一腔  
熱血憑何灑漫說程山與易堂

吳越寶正四年磚歌爲六舟上人

謹受作文曰寶正四年七月

錢氏作凡九字

古甌一片光黝黑云是婆留舊搏埴若非碧波亭畔遺卽  
應黃妃塔邊得寶正紀年方四祀不比乾甯歲丁巳豈有  
工名勒蜀師依然國姓留錢氏亦稱帝制亦改元猶說開  
門節度使定論千秋屬後人鄱陽隨筆廬陵史錢王本是  
英雄流保障東南十四洲玉帶錦衣榮故里詔書冊券起  
三樓當年土木窮金碧祇今荒隴埋飢餓壞薛猶疑陌上  
花落星難問山頭石達公達公今貫休獨攜瓶鉢天涯游

摩挲古物不忍釋寶此奚啻琅玕球土納尙餘殘劫燼瓦  
全終勝缺金甌磨來作鏡煩詩答此甄今亦歸詩衲爲語  
方泉白石生且休速禮金塗塔

周至伯劍

劍得之甘泉謝君佩禾以周尺度之長二尺稍弱莖長五寸身長一尺四寸七分廣二寸有半強考工記所謂下制也劍身近首處款二字曰望白望字篆法近敵敦銘白古伯字古劍如韓之合伯鄧師吳之干將莫邪皆鑄劍人名此至伯亦當時劍師之名或曰伯古霸字古劍銘多取吉語陶宏景刀劍錄後漢光武未貴時在南陽鄂水中得一劍文曰秀霸此云至霸亦其例也然古者物勒工名自當以人名爲近

陸離古劍二尺長屈曲繞指如魚腸酒酣斫地吹一吷至  
伯二字銘其旁吾聞伯者爲明白土花繡蝕猶可識蜚景  
難藏匣內光勒名莫認眉間赤或云伯霸古字通南陽秀  
霸將毋同隱居舊錄吾無取鄧師合伯皆神工此真桃氏

之下制滿堂賓客歎不置不數當年北海孫錯金書辨延  
陵字謝君彈鋏來與俱千金脫贈歸匏廬胸中絕少不平  
事引杯獨把何爲平星眸截寸空射斗佩犢吾愧渤海守  
飛揚醉爾一杯酒劍神名飛揚見龍魚河圖不須常作蛟龍吼

張心淵字達泉嘉善人嘉慶庚午舉人歷官邳州知州  
有脈望齋詩稟

王營早發

纔上公車對早暉淡晴天氣曉光微客中愁思眞如病夢  
裏鄉關不當歸絡繹輪蹄蹂躪岸雪飄零星月掩林霏山程  
水驛終朝歷望望村莊叩板扉

橫山嶺

木葉辭秋林林疏瘦山骨寒蟬發秋吟聲聲夏清越寂然

登高峯遐情不可遏夕陽照歸禽樵響眾山答

松陵夜坐

老翁泣相對最苦是農夫况遇經年歉能藏斗米無耕牛  
償客債嬌女抵官租眼看春荒滿秋收是後圖

橫塘曲

妾家生小住橫塘柳映茅檐竹靠牆郎若船來輕蕩槳水  
邊時宿兩鴛鴦

顧翰字木天號蒹塘無錫人嘉慶庚午舉人官宣城知

縣有拜石山房集

詩話蒹塘與從弟蘭厓翊並有才名詩劉離渾脫一  
氣盤旋無擗搯飽食之習尤工倚聲謹守白石玉田  
範

閒居

寂寂簾垂地，新愁兩鬢知。春寒多釀病，暮雨不宜詩。鑪爇愛  
香存，性瓶憐花折。枝關心看蟾子，屏角有蟲絲。

舟次丹陽

不須悲遠別，風好挂帆行。山色青將斷，江湖白漸生。荒煙  
葛洪井，落日呂蒙城。泚筆書游記，離家第二程。

曉發王家營

郎當郎當聽鈴馱，前者唱于後者和。出門曉月白漲天，片  
霜華如雪大敝裘。一領薄於紙，有似窗楞風刮破。已恨  
無絲自纏縛，還愁作米供顛簸。戍樓宿火明瓦鐙，餅肆溼  
煙生土銜。卻憶向時真懶惰，花影半牀人尙卧。醒來敲枕  
睡，昵書婦子晨炊煮香糯。我家雖無田，負郭草草離家計。  
眞左儻云奔走爲飢驅，逆旅何嘗少寒餓。

渡江口占

佛狸城外雨絲絲，正值寒潮欲上時。  
愁殺篷窗倦游客，敲帆重寫渡江詩。

浮玉山高木葉稀，南田畫本見依稀。  
舟中不合回頭望，如此茫茫一雁飛。

由竹徑入韜光寺

連峰青巘一徑闢，靈異我疑混沌初。  
別有竹天地窈窕，入寺門淨土空香閣。  
涼暄墮叢碧粉節，夏陰翳拂雲踰萬。  
个石壁颯蒼尾鮮，淚紅斑斑兕角青。  
嶷嶷老根宅花颯，籬簞嘯蒼雌咽露仙。  
蛸清釜煙佛禽醉，籜解籜蛇輕衣折篠發。  
遙吹禪寮有餘清，卉木絕浮媚石墨色。  
更妍琢句寫肌翠，夕陽向暝沈幽龕。  
鎖深邃，翛翛響靈籟，覩客睽秋魅。

京水驛題壁

又作天涯別驅車向北行  
牽衣兒女累對榻弟兄情  
古樹侵煙直危隄接浪平  
拂塵題野店字小恨分明

重九日阻風京口

寒濤一夜來廣陵望江樓  
外波層層曉看失卻瓜步市  
雨絲織作千魚罾金山濛濛化空翠  
一塔煙際浮觚棱沙頭老樹高  
百尺嫋嫋忽若風中藤我舟欲渡  
不得渡如鳥折翼思騫騰江豚得意  
頗軒怪肩背突出冀可乘心知此夕  
是重九眼有高處誰能登石尤定厭  
往來數中道阻絕聊取憎只今健在  
儘何益滿頭華髮愁鬢髻拾來肥蟹  
乏錢買暫守殺戒同枯僧謬傳京口  
酒可飲直疑辨水嘗溜漚催租喜乏  
俗吏擾詩成急向篷窗騰



借伯夔登涿州城樓

夕陽半明射城堞四月打頭飛木葉出門蠟屐無好山差  
喜危樓高百級繞城三尺沙沒濠欲與廢壘爭低高其間  
草木亦蕭瑟大抵苦竹兼黃蒿城中廬舍同櫛比多少人  
家炊煙裏長風浩浩吹市聲雞犬翻疑在天際城邊過客  
未卸裝尙聞鈴馱鳴郎當鴉羣頭上若過雨歸鳥更比征  
人忙莫言王粲依劉久難得天涯逢好友遠游萬里縱飄  
零更上一層須抖擻年來頗覺心膽麤雲山遮眼愁模糊  
明當與子臻絕頂俯看健鶻盤浮圖

張深字叔淵號茶農又號退聽丹徒人嘉慶庚午舉人  
官博平知縣有悔昨齋詩錄

朝天宮

冶城山勢碧岩堯樹影雲陰闕寂寥三殿鼓鐘閒白晝萬  
靈幢節集清宵更無安石杯堪共若有浮邱袖可招咫尺  
鈞天張樂地後湖風雨夜蕭蕭

懋題山石經洞

一洞倒挂霜折蓮一洞側出洪鐘眠衿訝窈窕莫可狀更  
有六洞嵌其巖就中洞下復爲洞浩浩劫通雲煙有陪  
靜老亦好事牢置關鑰加鉤鍵名山靈秀氣忽閉寶藏未  
識開何年令人可想不可見有若忉利純金天松陰亭亭  
日傍午風來隔澗傳樵語照人苔蘚鬚眉青石旣陸離客  
亦古披蘿翦棘窺巖戶颯颯驚竄蝙蝠舞天光透處字隱  
隱波折依稀半歐褚嗚呼至寶祕空谷奚異結緣蕤沙土  
雲居自是貞觀剎燿燿岩堯宏殿宇胡不出之甃廊壁我

與山僧快先覩未知守者誰其主碎轟欲借雷公斧

石井行

梯崖陡絕攀棱層去天一握疑可登神龍觸石石中裂直  
下萬仞深冥冥蒼鱗得徑歸重溟殘煙剩雨嬾復升瑩晶  
石髓同醞釀留此德水施高僧高僧飛錫焜摩城恐迷智  
火遺元鏡金壺汁盡井華繼歷年書勒西來經迄今洞祕  
鐵石扃法乘呵護嚴山靈雷音往往動深夜此下不少潛  
蚪聽有時滄鬱寒雲興氣逼太古莓苔青黝然深黑若有  
物照影莫見神爲驚一語未畢一語磨清音琅琅如斫冰  
會逢金仙發砂窖疑是玉女敲銅瓶或言烏山井底揚吳  
胎竹山有穴通孤星大地具可人力破鑿者安知非五丁  
軒轅九井天自生刺指亦屬眞仙成靈異未可常理測古

跡難以空言爭陰陰危壁垂寒藤重來腰腳力尙能好攜  
琉璃黃竹簟踞此六月消炎蒸

騙馬行

傾杯一曲勤政樓四百馬舞金鈴秋名駒僅充木牀玩壯  
士亦抱鹽車愁我朝練馬馬日騙勇技靈隨馬勢變人如  
鳥隼馬如龍骨騰肉飛堪百戰雲陰漠漠平沙開健兒三  
五躡柳來短衣窄袖氣精緊色目迭出奇佶一人反引  
如猿狖一人側起蒼鷹驟一人倒立足穿花倏忽鬚前倏  
尾後倏然馬腹小可藏筋斗一落千丈強全身離鞍腳出  
鐙欲起不起歌伊涼陰陽兩手疾於磨電在飛仙膊下過  
挑抽鑿刺託弔翦七字皆干技  
步法見劍經鞍背從容任掀簸有時對  
面兩騎驅交臂暗度馬不知有時連環入蹶騁左超右踔

無停時馬乎豈竟解人意馬亦隨人作游戲伎完人馬兩  
從容汗喘俱無神采異漫誇曲踴踰三駝迅捷輕趨未足  
多千秋萬歲奉天子信是京營曳落河

代州

白草黃沙一望遙近城村落亦寥寥滹沱入夜冰常合句  
注終年雪不消邊地食惟先漣酪深秋衣已薄豺貂淒涼  
土屋寒鐙外鷲栗停吹又聽鏢

滄州

衛水奔流繞郭渾綿綿古道向津門馬前殘燒何王冢雁  
外孤煙近海村滄酒三年經再把鐵獅百戰不雙存此間  
舊有開元寺獨立摩挲夕照痕

橫斜土人  
禁不敢動

獅舊有二高長二丈餘作  
四足立勢今已仆一零鐵

蔡聘珍字笛椽蕭山人嘉慶庚午舉人官湖北長樂知

縣有小詩航詩鈔

詩話笛椽長於箋奏並好爲詩與族弟逸唱和往來  
逸謂其詩不名一格而清雄奔放自暢天倪韻逸藻  
翔興寄個遠往往有  
錢仲文范致能風致

西竺菴春夜同任遠白孝廉載

心事傷春暮鄉愁擁絮眠月明千里夢梵唱五更天脫劍  
酬知己拈花誤少年明朝當別去檢點酒家錢

孔昭焜字堇生曲阜人嘉慶庚午舉人官開縣知縣有  
利于不息齋集

自草涼驛至鳳縣

仰陟萬山巔俯躡絕澗底磊磊山上松瀾瀾澗中水山重  
水更復登降良無已茅屋有愚公掬水茹松子愚者不物

役爾智物役爾

陳均字受笙海甯人嘉慶庚午舉人教習知縣有松籟

閣詩集

康對山故里

不避貂璫竟獨行故人情重一官輕磨澆苦自爭門戶稽  
呂真能共死生千里關河迷錦巷十年絲竹老蕪城平生  
長物惟腰鼓好著岑牟奏幾聲

強溱字東淵號沛崖溧陽人嘉慶庚午舉人官宣城教

諭有佩雅堂詩鈔

詩話沛崖粹於經學著有易象膚說十卷詩義質疑  
三十卷經雜考四卷操觚漫錄史緒等書經生之詩  
固不必論  
其工拙也

京邸冬夜口占

鐘禪偈仄笑平生土銼寒鐙一點明多少乞憐昏夜裏此時不住馬蹏聲

鄭璜字元吉號瘦山吳江人嘉慶庚午舉人候選訓導  
有海紅華館詩鈔

彭城秋感

形勢彭門亦壯哉劉顛項蹶總秦灰交流汴泗迷城角如此河山閱霸才古道斜通蕭子國野花開上楚王臺我來大有登臨感送盡殘陽獨自回

今古河流幾變遷防秋有策抵防邊終教淮泗全歸海莫放魚龍便上天莽莽叢鄉聞鬼哭荒荒水氣雜人煙黃樓一角留蘇績猶想秦郎作賦年

錢忠介公海天浴日研



恩恩小劫紅羊過此一片石常不磨草堂出示爲太息凜  
然正氣留山河當時河山紛破碎一髮其柰千鈞何六狂  
生後存碩果惟公激烈功最多可憐海上作天子孤舟險  
觸蛟鼉渦十亡十弊書數上方王傾軋遭譏訶軍中羽檄  
倚此研定知一日三摩挲鸚之鵠之雙淚眼孤臣相對同  
滂沱海天浴日寓深意此意千載矢靡佗精誠所感神示  
夢手扶日上柰已燧明知一旅勢難濟妄思揮此回天戈  
瓊江致命事倉猝研平危不沈鯨波滄桑雖變物無恙背  
面滑潤無側頗石果能言石應喜暗中自有神靈呵君不  
見玉帶生與橋亭研傳觀異代猶悲歌

與潘壽生話舊

客中誰與慰羈孤喜得高陽舊酒徒一輩俊才仍濩落十

年相見總江湖略驚顛顛顏非昔爲閱崎嶇膽漸麤各有  
故園三畝在萼鱸香裏得歸無

鄧顯鶴字子立號湘皋新化人嘉慶庚午舉人有南村

草堂詩鈔

詩話湘皋極重鄉州文獻資江沅湘兩集楚  
南者舊甄採略備詩尙峭拔生澀時出警語

過襄陽書寄家遯溪丈

終古滄桑幾劫灰行人過此一徘徊依然漢水浮天去不  
見龐公上冢回荆楚歲時思續記襄陽耆舊有餘哀我來  
欲伴鹿門隱莽莽平蕪但草萊

趙北口早發

咿啞雞聲遠郎當鐸語忙征人影在水殘月白於霜犬吠  
漁村火風吹蟹舍香酒旗搖樹杪隱約似瀟湘

登天津城樓書寄譚吾肩晏湘門兩孝廉

笙歌聲裏駐行舟，丁字沽前暮靄收。  
兩岸人家多在水，一天煙月正登樓。  
遠帆歷歷津門樹，平渚昏昏海國秋。  
爲報周南留滯客，無心我已學閒鷗。

泊金陵

一葉蒲帆指石城，暮雲無際與天平。  
秋生澤國難爲客，山到秦淮便有情。  
終古興亡柰何帝，過江風味可憐生。  
傷心嗚咽寒潮水，消盡華年是此聲。

皖江送石甫北上

君官八閩我客粵，南海東海中隔絕。  
同心天遣一相逢，可惜逢時是離別。  
離懷黯黯況九秋，愁霖三日爲句留。  
丈夫不灑別離淚，對子不覺先傾流。  
北風獵獵寒肌砭，黃河濁

浪連天卷東南方自亟才用富貴逼人知不免語君且莫  
愁顛路如爾人才豈易得眉間黃氣正飛揚男兒未可輕  
量測皖公山下一尊酒驪唱在門鞭在手野夫獨坐聽晨  
雞隔旦江頭莫回首

李福字備之號子仙吳縣人嘉慶庚午舉人有花嶼讀  
書堂詩鈔

古琴

大雅淪亡後摩挲百衲琴會充君子御能寫古人心元酒  
豈無味鳴箏空好音廣陵嗟寡和爲汝發清吟

白燕

望斷天邊玉女扉冰魂斜度認依稀空留素影參差舞不  
傍朱門上下飛社酒春寒晴翦雪梨花香散雨沾衣紛紛

京洛緇塵夢讓爾滄江獨自歸

王毓麟字匏生昆明人嘉慶庚午舉人有藍尾軒詩鈔  
夜至山寺

前溪見明月正照溪上峯一路踏松影半山聞夜鐘雲深  
尋老衲露重溼孤筇回首下方路暮煙深幾重

顏斯總字詒銓號君猷南海人嘉慶庚午舉人有聽秋  
草堂詩鈔

移居光孝寺寄陳仲卿

久將雲水擬行蹤小住招提百慮空長物尙餘黃卷在生  
涯依舊短檠中神仙字已三番食彌勒龕眞此日同忽憶  
仲翔知己語思君迢遞遣詩筒

清遠舟中

起望遙天半蔚藍離愁如草不勝芟夕陽殘後猶隨柁春  
水高時欲上帆路近好山勞應接身從人海悟仙凡同袍  
惜別殷勤甚舊酒痕今在故衫

湘江夜泛偶作

湘水無波鏡面平卧聽柔櫓夢難成多情只有娟娟月照  
著天涯分外明

王懷孟字小雲大竹人嘉慶庚午舉人

野望

萬里動秋色三湘愁遠吟湖雲高不散江水自來深霜冷  
孤村樹月明何處碁寒衣誰可寄惆悵到如今

厲同勳字冠卿號茶心儀徵人嘉慶庚午副貢歷官廉  
州知府有厲廉州詩集

詩話茶心詩初刻五種題還珠堂詩鈔重刻七種稱  
厲廉州集監利龔庶常紹仁與茶心猶子恩官同入  
詞館重刻本每篇加評語題後詩前  
輒署說曰云云自來詩集所未有也

絮影

記得銷魂在酒邊浮踪不信又今年忽看陌上春如許便  
覺天涯碧可憐簾捲欲迷初上月樓高猶認舊時煙幾番  
誤入紅塵裏相對東風更惘然

大水行

六月三日潮接天江水入河河入田農夫一片哭聲起可  
憐辛苦今盡捐上田下田深數尺水勢直與官河連老翁  
登牀急小婦抱兒泣雞犬屋上嘯馬牛冢邊立哀哀疾走  
鳴縣官萬竈炊煙忽無色縣官爲申文上達大府聞一日  
委員十數輩江南江北何紛紛勘災來小民喜官無言災

已矣官來豈不恤民艱直陳恐失大府指嗚呼勸災災不成縣官在旁徒吞聲沿江一千里民恨不欲生送官走且訴聽者難爲情聞說今年仍索租流離之民胡爲乎民何辜天不可呼況復東竄西走兒寒女飢之窮途吁嗟乎縣官不能主吾民毋怨苦猶幸父母慈清俸先分汝朝給餅暮給錢民之顛連或可補賢乎賢乎吾明府

後大水行

南風連天吹不止雨急翻江潮頭起村村打鼓防水來城外忽添三尺水水洶洶哀吾農高田束手已無策須臾又作蛟龍宮我來城邊望四野陰淒淒羣呼走登屋屋倒不可棲殘陽一角悲秋草白骨千年終不保有家還比無家愁有田轉羨無田好吁嗟乎此日之災更切膚民隱不達



將潰疽縣官恐踰跟趨請鑷議賑語郡守郡守不問民其  
魚越日郡守來云是親勘災茫茫大水不得進高田低田  
安在哉君不見大江邊慘呼天棄兒爲蛇食賣兒不值錢  
孛老攜幼餓且死十里五里無人煙生年三十五讀書亦  
何補況今手無尺寸柄未得與爾訴冤苦側聞災簿上有  
司見之忍使終流離民兮民兮聽吾語聖朝寬大爾所知

爬沙曲

昨離句漏山今仍山下住河乾無水舟不前云是方行十  
里路塔高何矗矗兩日猶在目送盡行路人使我心轉軸  
朝爬沙暮爬沙舟子持杷泣且語可憐辛苦不還家聞汝  
言意悽然同爲飄泊東西客相邀舉酒呼青天問天天不  
管那更論長短不如一曲雍門彈千古英雄盡腸斷

蠡退

蠡退悠然任瘴雲驚濤何事測紛紛無才敢作懷沙賦有恨猶遲誓墓文空抱羽毛憐孔雀亦知唇吻感秋蚊誰將一寸蓮花燭長照茫茫碧海氛

嘉魚縣

帆疾江城縹緲間夕陽不見葉公還蘭成詞賦鄉心切靈鞠才華仕路艱生活酒難消雨雪寂寥詩可畫關山七星巖下重回首曾買嘉魚一破慳

馮相芬字石農天津人嘉慶庚午副貢有南游草

次仲興

蘆葦爲牆麥蓋棚風來四壁盡爭鳴民多菜色逢荒歲縣號桃源負美名繞屋亂墳人鬼聚噪檐凍雀雪霜清行來

此地逾旬日總是黃河送客程

舟中雜詠

傍水人家竹作籬波平風輒放舟遲江南殘臘猶如此想  
到桃花夾岸時

晚晴簃詩匯卷一百二十一終

晚晴移詩匯卷一百二十二目錄

文孚 四首

斌良 十首

潘正亨 二首

覺羅桂葆 二首

熊莪 一首

周光緯 一首

阿林保 三首

特依順 一首

楊芳 一首

嚴如煜 十二首

李如枚 一首

陳祁 一首

富斌 二首

敬文 二首

法良 四首

恩齡 一首

謝元淮 三首

觀榮 二首

楊光祖 一首

金榮 一首

鄒胎詩 三首

朱錦琮 七首

朱浩 二首

常清 二首

查奕照 四首

張迎煦 二首

王仲淮 三首

王申伯 二首

曹洪梁 一首

查林 一首

吳經世 一首

延君壽 二首

史善長 三首

陶章瀉 三首

殷焯達 一首

趙均 二首

何椿齡 二首

楊紹基 三首

吳乃伊 一首

陸嵩 六首

龔鉞 四首

查人和 二首

嚴廷中 七首

陶譽相 一首

查有新 七首

陳瑞琳 一首

陸文傑 四首

湯禮祥 二首

吳擘 四首

王蔚宗 二首

王斯年 二首

林遇春 五首

周寶生 六首

錢允濟 二首



晚晴詩匯卷一百二十二

徐世昌

文孚字秋潭滿洲旗人官至文淵閣大學士諡文敬有

秋潭相國詩存

宿東科爾寺

夢醒招提境煙嵐聚小樓一峯寒受月萬木夜生秋薄酒  
難成醉清笳易動愁卧聽清梵靜身世笑浮鷗

晚到哈爾海圖

策馬燉煌外高寒雨乍收煙原沈去鳥風谷撼歸牛野曠  
征衣薄天低畫角愁平巒堪放眼萬里大河流

觀青海圖作

極目巖疆萬里平披圖鏡底塞霜清摩天雪嶺春無草伏



地黃河夜有聲

按黃河在番地時伏時見至星宿海以東始建瓴而下

禿髮穹廬煙

縹緲烏斯朝貢路分明九重若訪安邊策循吏由來勝甲

兵

伯都訥道中

小吏相迎盡短衣平原千里颺晴暉馬肥春草臨邊牧雁  
覓芳塘貼地飛疏雨無聲寒劍佩西風有力動旌旗何當  
笑共穿楊手且逐黃羊獵一圍

斌良字備卿又字笠耕號梅舫滿洲旗人廕生由主事

官至刑部侍郎駐藏大臣有抱冲齋集

詩話笠耕名家貴蔭少隨父達齋尚書浙撫任阮文達方視學從其幕中諸名士游卽耽吟詠後歷官中外數奉使西北邊塞山川行役多見詩篇集中與張船山吳蘭雪姚伯昂諸人唱和最多亦蘭鐫中風雅眉目也

北鎮廟

山勢東趨壓廣甯芙蓉幾朵列圍屏雲迷雉堞千重白雪  
冷蚪松萬古青浩蕩雕盤低湖漠扶搖鵬奮接南溟時清  
早徹防邊騎霹靂吹寒對曙星

舟泊東昌望光嶽樓欲登未果

青帝所宅震位崇巖巖氣象凌華嵩陰陽闔關割昏曉富  
媪孕碧延崕從雕鑄造化青未了紫翠變滅東海東博平  
樓觀屹然向妙構不數般倕工枌椽高矗礪礪鏤瓊榭丹  
拱真珠櫳扶桑雞唱靈景曜瀛壖燭照光臙臙屏明玉女  
瑩窈渺勝題章誕驚心忡不聞華鯨吼午夜仰見鐵鳳騫  
晨風想象俯瞰煙九點徂徠鳧繹培塿封詎知坤軸鬱靈  
脈岱宗一氣開鴻濛沈寥穹宇睇莫極我來正值鶉火中

魚鱗掃盡鳥革現苦思柳栗梯長空艤腫遮道吏卒守可望難卽壺嶠同蕊珠闈苑豈易到聲聞咳唾金天通幾年奔走困塵壒襟懷茅塞噉吳蒙會須振袂躡絕頂屏除六鑿吞長虹昨者防秋駐河上呂梁直下驚濤洪其魚雖免灑沈歎寘薪湛壁終無功量移江左督輪轉豈有籌策追牟融垂魚依舊竊光寵天之施我祿已豐螳臣蝨處愧無狀欲排閭闔舒深衷長風引去又解纜夢魂常繞清虛宮

金陵過朝陽門作

鍾山王氣黯消亡臺殿全蕪草樹荒牙將射雕馳閣道牧兒挑菜傍宮牆嗟峩華表臨秋渚零落銅駝卧夕陽殷鑒勝朝遺炯戒漫誇天塹鎖江長

商都雜興

有元拓跋舊宮庭消盡頭鵝詐馬名滿目邱墟少禾黍微

茫草色接開平

巴雅斯胡圖西北有城大四十里卽元時開平遺址

明昌捺鉢似抵平水草豐時駱囊生一抹微雲山翠外春

鋤依舊勸春耕

有水草當額馬處曰捺鉢四時遷徙春鴨子河濼夏吐兒山秋伏虎林冬廣平淀見

遼史志行營序圖朝制度巴彥塔拉山外許漢民開墾納糧隸獨石口同知司其事

戈壁蒼茫萬里途盤車北上塞雲孤海龍江獺魚油錦貿

易新通恰克圖

自索呢特至達里岡愛皆沙漠北通恰克圖許蒙民交易設庫倫辦事大臣及理藩

院扎爾琿齊管理

滑笏波流克蚌河濫吹鋼凍舞婆娑插竿纍巒當蘭若雅

岱山巔鄂博多

克蚌河在上都牧廠東北亦名克衣綳河雅岱在正黃旗牧廠東蒙古名額倫拖羅

海華言卽鷹山也蒙古每於峯頂纍亂石插幡竿於上祀之名曰鄂博華言卽寺也鋼凍西番樂器名以銅骨爲之

鴛鴦坡畔草萌芽毳幕氈房著處家風捲駝茸鋪白氈錯

疑邊塞落楊花

塞外無林木駝毛脫時飄揚滿地渾似楊花鴛鴦坡在北海見楊允孚詩註

丹拱凌霄梵唱圓駝酥燈照九枝蓮西方兜率多歡喜

嬾花鬢色界天

喇嘛寺供佛像皆變相一日厄利汗二日作喇知三日嗎哈喇喇且多祕密佛

碾伯縣

蒲海沿邊郡崢嶸磴道盤河冰連地結嶺雪極天寒屬國

秋持節將軍老據鞍西戌今底定何事翦樓蘭

潘正亨字伯臨號何衢番禺人諸生官刑部員外郎有

萬松山房詩鈔

舟次胥江寄懷立之棣萼季彤諸弟

江雨忽如霧山雲慳放晴長途風雪舊壯歲別離輕忽憶

同懷子憐余事遠征東歸附瀆水流夢到江城

泊沙灣擬游小金山阻雨不果

放棹窮幽賞連陰不肯晴寒煙欺柳色急雨亂灘聲古寺  
雲中梵雄才海外名無由參慧業一爲證生平

覺羅桂葆字真庵滿洲旗人官戶部主事有敦善堂集

涿州

日南要郡重經過城垣高聳形巍峩沙跡漸侵胡良岸柳  
色暗綠先鋒坡車扉兩版客夢穩蹇羸一雙鈴語和西山  
留人太無賴迢迢百里堆青螺

湖上大雪作歌

重重疊疊雲氣圍蒼蒼涼湖浪稀元冥司令理應爾雪  
花如片漫天飛逆風行船馬脫鞵碎冰瑣瑣喧石碕遠峯  
埋沒近峯峭低橋明潔高橋巍萬嶺松篁綠愈靜棲霞楓  
丹紅賜緋南屏鐘聲凝翠微氣候凜冽僧扃扉逋翁騎鶴

天外歸坡老撰杖林間睡相逢一笑戛鳥榜輕蓑催換漁  
人衣湖樓疥壁去臘尾秃毫忍凍淋漓揮幾痕鴻爪忽到  
眼根觸吟興呼妃豨我本左司舊賓客兩年湖側疎嘲譏  
乾坤更幻游世界天意不薄人難違暝禽唳空導歸路船  
脣蓬背生光輝逝將呼朋詣絕頂吳山殘雪供攀依

熊莪字璧臣天門人官刑部主事有寄情草堂詩鈔

送戴蘭江觀察赴任南河

繡衣持節賦將離幾載秋曹得所師治獄爭誇于定國浚  
渠還借鄭當時栽培南國棠千樹惆悵西風酒一卮瓠子  
安瀾頰奏績好憑雙鯉寄相思

周光緯字孟昭仁和人官大理寺評事有紅蕉館詩鈔  
元日立春五畝園看雪

隱几待明發，醒然警晨鐘。策杖入園扉，曉寒何惺忪。微茫露奇石，淅瀝棲長松。當軒風尚竦，隔屋雲猶濃。愛此作小立，寒犯裘蒙茸。慶茲首祚日，是日斗柄東。側聞野叟言，百歲不易逢。今當清晏時，壽寓方延洪。九垓雖云遠，同在春風中。奚爲望西笑，耕鑿皆堯農。有園廣五畝，有田可十弓。學稼與學圃，我將何適從。古梅解人意，花開若爲容。折之貢北堂，以爲椒酒供。

阿林保字雨窗，滿洲旗人。由筆帖式官至閩浙總督。諡敬敏，有適園詩錄。

六和塔

拾級凌高頂，危欄未敢扶。山從朝日出，雲到大江無。地勢隨吳轉，濤聲向海趨。滄桑經幾變，千古此浮圖。



看桃花

客舍適無事出門春滿山東風孤寺外夕照小橋灣倚杖  
入雲去撥舟隨水還武陵意一往未必非人寰

買花券

何必山涯與水濱案頭屋角四時新片言訂得林中約一  
紙招來天下春破例不妨同市儈買花畢竟是騷人當年  
玉鼻誰書券笑步東坡馬後塵

特依順字鑑堂滿洲旗人官至烏里雅蘇臺將軍有餘  
暇集

中秋重游白鹿洞同人雅集分韻

勝蹟重游喜共登遙山浮水影飛騰三千界外秋光動百  
尺樓中夜氣澄香滿乾坤八月桂星連上下萬家燈酒闌

還向高僧話幾度禪林感廢興

楊芳字誠村松桃人官至湖南提督封二等果勇侯加

太子太傅諡勤勇

詩話勤勇結髮從戎經百戰戰必躬先士卒所向克捷少受楊忠武識拔威望與相埒稱二楊且先忠武而侯嗜讀易旁通醫學兼及書囊三式皆有論著

永州返棹經三浯步元次山窳尊原韻

大江水西來迴環繞幽亭窳尊凹石穴石以次山名亂峯  
嵌江渚一掬傲東瀛秋雨溜不竭中睹鼉鼉生有唐昔中  
葉災黎慄洪溟漫叟吏春陵不忍獨爲醒時時發醉語嘲  
戲餘深情當年持符地瘡痍滿荒城至今頗遺愛竹樹炊  
煙青亭小難容席白雲環檐楹尊空留殘滴窳淺尙古形  
我來挹高風時思攜甌餅陶然共一酌何必期淵明

嚴如煜字炳文號樂園一號蘇亭漱浦人嘉慶丙辰舉

孝廉方正授知縣歷官陝西按察使贈布政使有樂

園詩鈔

鄧湘皋曰先生諸生時即好談兵以承平日久武備  
 廢弛慨然懷介子班定遠之略嘉慶初黔楚用兵  
 上平苗十二策陰結大小章豨豨頭目質子十九人  
 與其卧起卒賴其力復乾州通黔楚路苗疆底定其  
 力居多在陝二十餘年平定南山教匪因與戎事相  
 終始遂以其間繕城垣立堡砦濬壕溝築堤堰教耕  
 織崇學校教養兼施邊境肅然至條陳屯田水利建  
 置邊疆文武營廳規畫詳盡厥功尤偉所著有苗防  
 洋防三省邊防備覽  
 詩話樂園經世偉略詩特餘事集中從軍櫛農諸篇  
 有杜陵出塞道州春陵遺意華陽吟及木廠鐵廠紙  
 廠諸詠塞堡行團練行前後鄉兵行皆關於南山風  
 土形勢軍事亦採風者所必取七律命意沈雄結響  
 高亮有明七子風格專家無以過也

從軍行

昔對金門策太息怡安篇公卿虛前席共推賈生賢南山  
盛盜賊民命迫倒懸澄清亦有志叱馭乃竟前

軍符來漢南星言速征驂風嶺雲連翅柴關樹如藍訛言  
慄我僕鏞鳴更丸探慷慨向前去險危余所諳

人髓黃狐吮人腹蒼鷹啄磊磊戰骨白當道研車轂隴蜀  
道路通萬竈列林谷壯哉草橋戰殺賊最神速

於草橋殺賊萬  
餘棧道遂通

徑略額侯  
勒伍金杜

階文又金川道路五千里赤眉不相值千羣空武士膏雨  
今郇伯豆區惠閭里王師本無戰壯士爾徒死

小者結寨柵大者築堡城十百聯爲一比里室家甯耨鋤  
銛鉤戟隴畝安耕耘此語吾非妄古之民皆兵

南山古陸海耕作半流人擾之而爲賊禍慮相類仍千里

天安地安危仗大臣但能擇守令黃巾皆良民

妖星去年落鼠穴一時清小醜何足數歲登百室盈願戒  
兵猶火相期政皆平帕首鞞刀者本來一書生

答楊春暉都中見憶兼柬春田竹浯笛樓雲橋白橋

麓西諸子

隴首茫茫望朔雲一天梅雨鎮懷君都亭叱馭今三載井  
絡連營尙六軍大將鷹揚歌破陣故人鴻爪悵離羣嶽雲  
河樹層層隔翦燭何緣話夜分

送鶴文總戎入覲

十年從事亞夫營大樹將軍舊有名自古奇功多世將幾  
人折節似儒生馬盤天半飛蛇路箭聽秋空落雁聲報國  
祇今年正盛戟門深對五雲明

廿六懸弧之吉戟門深  
閉僚屬不得登堂稱祝

沅城雜詠

貞臣壁立障狂瀾，僕寺何心薄冷官。  
自信主恩憐讜直，誰知黨禍病衣冠。  
千秋蘋藻荒原裏，一徑松楸暮靄端。  
悵望雄山吟嘯處，古琴能得幾人彈。

雄山相傳爲蒲太僕讀書處

抵嶺南呈繹堂先生

戈船橫海舊登壇，幕府相依尙素冠。  
丞相舍人容魏勃，將軍門客愧任安。  
曾憐誓墓情懷切，敢憚從戎道路難。  
銅柱卽看銘越秀，蒲帆會許挂湘瀾。

懷李二內翰

烽火連年迫上庸，鞭刀幾隊健兒從。  
田單只計宗能保，李廣何妨相不封。  
虎穴揮戈餘慷慨，鳳池簪筆鎮雍容。  
笑余介冑慚文吏，華燭清樽接子丰。

李如枚字怡菴漢軍旗人歷官長蘆鹽運使有怡菴詩

草

古北口曉行

千尺雄關拱薊門  
曠曠曉日映長垣  
雙扉不鎖灘頭水  
繞郭年年碧漲痕

陳祜字紅圃嘉善人歷官陝西陝安道有清風涇竹枝

詞商於吟稟新豐吟稟南園雜詠從戎草蘭行草

詩話紅圃爲楓崖光祿從孫嘉慶中官陝右正值教匪作亂頗著戰績知商州與州同蓋方必合謀禦寇更三年得數大捷蓋緣是得名紅圃亦屢遷至監司集中築寨歌有二云勸築寨勤築寨築寨成時賊自敗野無可掠壁壘堅枵腹何能肆蜂虻其時堅壁清野之議初行卒藉此以滅賊云

山中夜行

月暗霜寒夜空山  
彳亍行林深人跡少  
石亂馬蹏驚欲覓

溪橋路先尋澗水聲到村來犬吠問寺聽鐘鳴巖影四圍  
黑天光一綫橫遙鑑時隱現老樹忽支撐劍氣疇能識棋  
心自不平僕夫嗟况瘁誰喻此時情

富斌字筠圃滿洲旗人歷官陝西陝安道有紀夢吟草

九月四日坐雨

坐久蕭然萬慮清幽禽兩兩傍檐鳴雨聲欲釀寒花老風  
力能欺落葉輕北望堯封雲鬱鬱南尋禹穴水盈盈流光  
又近重陽節何處題糕會友生

疊營字韻寄盛子履

莫歎儒冠誤半生名場屈指幾人成耽詩未必非清福嗜  
酒何嘗減至情姓氏千秋原有命窮通一笑自無營憐君  
近有羈愁句故和新篇作越聲



敬文字廉階滿洲旗人歷官山東兗沂曹濟道有紅葉

山樵詩草

蟬

繁音催過夏遠韻又迎秋木葉未全落鬢絲先已愁身輕  
高柳外聲斷曉風頭敲枕不成夢淒清百尺樓

秋葵

秋花鬪繁豔栽植滿園林惟爾甘籬落偏存向日心幹高  
出百卉色重比南金莫笑宜農圃山村雨露深

法良字可盦滿洲旗人歷官江南河庫道有滙羅盦詩

藁

梅伯言曰詩之境宜於澹幾蕭瑟不涉凡近可盦生  
長華胄平進富貴而清曠之氣獨得於詩如是其性  
情之適於流俗爲不可及

感秋

商飈吹我幃皎皎九月明中夜不成寐起坐揮鳴琴三星  
入戶低北斗高未沈白露下叢薄棲禽巢遑林美人在雲  
端相隔若尺尋一彈理七絃但傷無知音豈欲有知音聊  
以協素心

有感

聞道淮南事可悲其魚萬姓歎流離天心未必無生意地  
勢居然似漏卮孰訪畫區尋禹迹須知洪水在堯時廣陵  
八月觀濤處惆悵難歌七發辭

入瓜口

放眼金焦外雲中艤萬艘人煙瓜步樹殘雨廣陵濤身世  
隨孤權乾坤感二毛狂思斬蛟隼頻視呂虔刀

南陽湖夜行

卧聽沙禽語推蓬對白蘋  
天空雲在水風靜月窺人身世  
慚雌伏江湖比雁臣坐觀羣  
動息吾自樂天真

恩齡字楚湘滿洲旗人歷官江蘇淮揚道有述園詩存  
甲戌荷月二十七日雨窗作

水閣輕寒夢乍醒  
滿園秋色上窗櫺  
無端鎮日瀟瀟雨不  
種芭蕉也怕聽

謝元淮字墨卿松滋人歷官廣西右江道有養默山房

詩錄

舟過青溪縣遇漲泊大王灘上

峯影壓船重鼓棹發青溪水濁知江漲  
波湧散鳧鷖山中夜雨足高浪與山齊  
浮舟入天漢斗覺前峯低橫流競東

注倒瀉何時西平生慣江海見此重慘懷空有舟楫在滔  
滔歸路迷仰愧飛鳥翔俯愁斷猿嗥懸崖阻焚岸萬仞何  
由躋

留別吳醒樵

頻年蹤跡固塵埃塊磊難消濁酒杯白首漸憐詞客老青  
山同哭故人來雲煙屢幻身猶梗霜雪重經念已灰遙指  
楚江天外遠風波如此片帆開

登大伊山望海慨然有作

童男艸女覓蓬壺卻笑秦皇作計粗採藥樓船何日返登  
山筇屐此時俱江河入海涵清濁齊魯連雲望有無誰信  
島夷來地底一揮長劍掃天吳

觀榮字青農號梅林滿洲旗人候選道有挂月山莊詩

鈔

三泉寺訪王茂才

扶杖偶然去沿溪不知遠日入白雲深天迴丹楓晚清磬  
出深壑殘雪點絕巘披蘿到梵刹礙徑松枝偃琉璃光閃  
爍龍象氣偃蹇彌勒同一龕山蔬香積飯君方抱佛腳我  
亦迷途返

三月二十七日御青陽總戎邀游楊厓巖觀瀑詩以  
酬之兼簡州佐言寶侯

元鼎五年下南越何暇來結山水綠樓船一去不復返後  
二千載名仍傳我聞巖中瀑布實奇絕不數匡廬雁蕩天  
台巔方今總戎整以暇勝情勝具來相延二三好友聯轡  
去鶯囀草綠山花妍入山逾深路逾狹潑眼青翠高摩天

雷聲轟轟不見影蒙茸竹樹樓閣懸紆徑以入蟻穴曲循  
磴而上螺紋旋懸厓斷處下無地千尺倒挂龍蜿蜒毛髮  
灑然換塵骨栩栩欲化凌雲仙靈湫噴出珠錯落神物何  
日潛九淵時凌八垓作霖雨歸去抱珠深窟眠初看出峽  
原一綫定知潤物成千川平原曠蕩三萬頃灌漑盡作膏  
腴田水源未省何處落欲叩真宰無言詮回頭雉堞在足  
底來往蟻織紛喧闐太息紅塵消白日凡心欲悟虛空禪  
從來靈境多幽闕不遇好事誰爲宣況乎古人亦陳跡風  
流難溯魏晉前徐凝詩惡太白死髻蘇往返無聞焉將軍  
此來若發覆我幸與君相周旋題詩紀事勒之石後起何  
必輸前賢雄州別駕聞此語相視而笑爲欣然

楊光祖字顯堂漢軍旗人歷官南甯知府有薈盒詩草

曉起出峽

遠眺近昭平灘聲傍耳鳴嵐浮青嶂隱日上綠巒橫試險  
人常慣奔湍意轉平梧江三百里往返一帆輕

金榮字丹采號素中仁和人歷官濟南知府有清暉閣  
集

重陽日過仙霞嶺

五年三度嶺此度恰重陽正好登高會誰憐在異鄉遙天  
賓雁入細雨客衣涼憶昨中秋節團樂待北堂

鄒貽詩字愚齋一字石泉漢陽人歷官福州知府有浮

槎存橐

錢衍石日石泉官闕三十年中更戎馬民  
功軍閥皆有可紀詩竹輿而成蹈乎大方  
旅宦

旅宦艱難徧三春百戰餘野荒新鬼哭天遠故人疏琴劍  
悽行色鶯花伴索居少年棄繻者飛動意何如

軍中秋興

濤聲秋捲海門開艦艣爭看節使來十里郊原猶劍戟一  
年城郭半蒿萊出山殷浩心原壯入楚廉頗老漸催見說  
施藍威望在夕陽憑弔首重回

聞道孤城未解圍眼穿消息又斜暉頻看貔虎縱橫去又  
見蟲沙散漫飛捷奏經時疑信半主恩入骨死生微正當  
宵旰憂勤日鼓角聲中淚灑衣

朱錦琮字瑞方號尚齋海鹽人議敘知縣歷官東昌知  
府有治經堂集

詩話尚齋爲松喬司勳子初知宣城甚得士民心值  
江水盛漲孤舟出入風浪中撫綏賑恤仁聲尤著詩



以樸厚爲尙李邁堂爲作序稱其  
意切詞清與泛濫爲豪者迥別

綿山

城外高山接太行春深墓草散牛羊禁煙節自多風雨旌  
善田誰種稻粱十載君臣同牧圉一身泉石中膏肓晉祠  
流水清如玉洗出幽巖數點蒼

徐州旅店有懷六弟

馳驅孤負薜蘿身越境先從此問津地界長河築高岸天  
留殘月送行人中途改駕無鞍馬旅館加餐得錦鱗會約  
連牀撼別緒陟岡知否雁來賓

野望

曠野蕭條暮景懸眼光盡處地連天路無馬迹多荒草村  
有雞鳴隔翠煙近樹高於遠山頂朝霞明到夕陽邊肩摩

古驛勞迎送指點歸途緩著鞭

自柏硯山至引虹橋

兩崖迥合處仄磴下肩輿芳草青黏屐晴雲淡曳裾山空  
惟有樹澗曲更無魚峽口忽中斷長虹駕碧虛  
樓從橋上蓋地僻往來稀泉洗石根瘦煙環松影肥李侯  
游未到梅氏宅相依小憩成孤賞鐘聲落翠微

栗珊弟得天台赤藤杖歸獻伯父爲作歌

天台一萬八千丈謝屐梯雲未能上陰崖雪積萬年藤飛  
作仙人九節杖仙人王烈朝玉京葛翁又向瑤臺行紫芝  
靈藥不輕洩君昨宦游過赤城赤城霞起連遠岫眾聖排  
雲露肩袖見君中道立徘徊笑拔蚪髭介君壽君時四十  
年方強手摘星宿如探囊歷徧雲藍七十二攜歸東海呈

高堂憶我高堂謝單宰孫枝侍舞斑衣綵歸田復出終郎  
官天壇靈壽今猶在我攝淮平斗大州青藜簇簇蕃新秋  
披枝翦葉節根榦相期致仕扶爲鳩白髮扶鳩仰世父手  
中紫玉堅如柱戶牖閒投欲化龍鼈溟渥爽騰風雨半載  
曾連聽雨牀與君遙祝壽而康秦溪宛水一千里眉介何  
時進玉觴

四弟自薊州送酒來

薊門風雨引杯長別去燕臺夜有霜刺史權來逾五日菊  
花開處過重陽莫曠周顛馳名早多謝陳暄爲我藏恰好  
東籬索詩句白衣人到便傾觴

朱浩字屋齋大興人厯署瑞州九江知府有杏花樓詩

藁

登庾樓

得陽城北一江秋高棟淩虛舊有樓千里舳艫連白下二分煙樹是黃州風流未必輸前輩月上還須共此游回首匡廬開半壁鑑煙正在紫峯浮

孔家涵桃花

田頭老農顏似鐵操犁日朝到日昃歸來破竈燒溼葦翠煙如縷消殘雪蒸藜煮藿兒女歡不嫌泥垢同盤餐黃土築牆茅蓋屋此中卽是桃花源門外忽見胭脂山一株兩株春風顛浣紗女子清溪邊賣珠侍兒修篁間金粉揚州空闔巧富貴春明無此好水流花發少人知黃牛獨齧門前草

常清字裕光滿洲旗人官佐領有筆耕集

尋梅

聞說山頭寺春風到野梅入林樵逕轉照眼暗香催翠萼  
倚殘壁疏花圻古苔平生泉石趣對此重徘徊

寒食署中卽事

山城細雨日連綿做出棠梨寒食天門外蕭疏多是柳廚  
中淡泊不生煙催成暝色憐錫管噉老春光怨杜鵑留得  
庭花諸樣種呼童撒向小窗前

查弈照字麗中號丙唐嘉善人監生官淮安同知有東

望望閣詩鈔

詩話丙唐博覽工文兼善書畫頁經世才迭居大幕  
援例得官百文敏督兩江九器賞之宦歸後與張叔  
未黃霽青唱酬無虛日畫花鳥得宋元  
人遺意偶作仙佛亦具漢人畫象筆法

通天臺

老去悲懷五柞風臺高浪說與天通露濃金掌來王母月  
冷珠幃失少翁萬里貳師空續武千秋一夢竟邀功羨他  
楹角無知物翻得凌虛上太空

高平寇警同郡守以下各官守城感作

匹馬上孤城刀光潑水迎燕然無巨筆細柳有堅營甲帳  
含昏霧春田誤早耕一般花月夜愁殺玉溪生

七夕寄內

低頭思昨歲此夕正停機客夢疏礎遠鄉心落月飛江空  
迴雁字風急卸林衣合被癡牛笑年來計更非

高郵道中

板渚場颿過竹西疏楊三十六湖隄刈蒲成束高於屋賣  
鴨論雙賤似泥蟻社畫橋誇米芾藕塘戰壘說劉猥家家

但祝田疇固吹火籬根傍釣磯

張迎煦字鄒谷號晴崖仁和人諸生官永州同知有秋

紅館詩集

端江舟晚

據關酋虜遲來庭角吹樓船去不停  
靺鞨晴波搖夕照  
貔貅小隊列津亭  
村村榕蔭濃垂綠  
朵朵蓮峯遠送青  
醉倚吳鉤一長嘯  
魚龍驚起晚風腥

丁未春日將歸里門賦別楚中諸友

頽然自覺百無能  
且學吾宗老季鷹  
皮相可憐成蹙叟  
頭銜又復署龔丞  
豈真樗櫟偏多壽  
未必參苓盡有憑  
算到不如歸去好  
鄉心先已過吳興

王仲濞字桂芳一字芸巖吳縣人官東河同知有天繪

閣初稟

黃華山瀑布

黃華山接白雲平

白雲山與黃華山相接

飛瀑懸崖勢若傾千尺珠

簾寒不捲九天銀漢落無聲錦屏對峙開雲母丹壁中分  
界水精我欲尋源登絕頂仙人樓上坐吹笙

弁山積雪

難分玉柱與金庭詠罷霓裳舞袖停銀海波翻龍護甲瑤  
臺花滿鶴添丁林棲月魄渾同白梅壓雲鬢不露青披鱗  
風流雖已渺百年郢曲有餘馨

題安之弟詩詞近稟

爭道驂騑迴絕塵吾家小謝最清新會吟白雪雞窗伴看  
步青雲虎觀賓楊柳曉風三變調芙蓉初日六朝人板橋



百里相思夢夜雨池塘芳草春

王申伯字虹亭吳縣人官上南廳同知有碧螺書屋存  
草

登天繪閣

放眼青霄外披襟碧浪間雲閒爭入座波動欲移山朝爽  
憑開牖秋聲靜掩關望中煙幾點佳處好躋攀

珠樓晚眺次何竹坡韻

日落海潮寒月上禪房靜樹杪聞鐘聲溪雲隱孤艇對此  
澹忘歸逍遙樂餘景

曹洪梁字雉山上海人諸生官龍勝理苗通判有宜雅  
堂遺集

秋日之郡舟行卽事

小艇乘潮發行來傍野塘岸移楊柳影風送稻花香輕鱗  
分秋水孤帆扇夕陽人家煙樹外此景最蒼茫

查林字花農宛平人官雲南通判有花農詩鈔

上元邳州道上次夢白韻

重此宵征圯上過惟餘詩思蹇驢馱英雄幻迹陳編在佳  
節浮生客館多霜重月明行不得懷人憶事夜如何江南  
路盡寒猶冽緩緩春光懶渡河

吳經世字捧日號秋樵錢塘人官德陽知縣有小隱山

房詩鈔

雨窗都轉約游明湖次韻奉謝

巾履追陪載酒游渚亭煙景共遲留麥畦暝雉雄雉柳  
岸深眠子母牛小雨過時邀素月微風度處皺新流扁舟

穩借推移力不向芳塵逐紫駟

延君壽字荔浦陽城人諸生官長興知縣有六硯草堂

詩集

河北村題壁

煙散前林霽茅簷罷午炊雨多收稼晚鴉亂定巢遲糝米  
田家飯幽風壁上詩願將歸隱意說與牧羊兒

雋三歸自太原

朔吹并門雪片粗暫歸蓬戶養清臞諸侯賓客古時有健  
筆縱橫今世無著體短衣仍做褐倒囊詩句燦明珠梅花  
消息南枝近收取寒香入酒壺

史善長字春林番禺籍浙江山陰人官餘干知縣有味

根山房集

玉山阻淺

昨從河口來淺若甌在隴今入玉山境沿洞石可數至此  
三易舟一舟分作五接坐膝屢交無篷目快睹舟人慣負  
舟肩承力各努進以尺寸計喝號胡隴鼓何恃逞豪強水  
碓儼分剖權田非所謀取值乃市估累石建爲閘閘截水  
沒肚閘水截愈深舟行客愈苦分彼一寸流喊怒如虓虎  
蕩蕩本官河司土豈龔警曷不清其源恩波一例普中流  
恣放舟嘔啞聽柔艣

重游峽山寺

十年苦憶峽山寺今日舟從峽裏過落澗泉聲依舊壯當  
樓松色比前多僧閒修數雙禺典我老慵揮落日戈爲問  
白猿歸洞後有無消息到巖阿

門前觀穫

買田買近村治圃治枕塘枕塘易灌溉近村便觀望門前  
十餘畝雙溪夾其旁臨軒一披襟稻花微有香浙浙西風  
吹垂穗日以黃距秋尙半月趁此日當陽招呼及疆以錢  
鑄一時忙胡牀但坐嘯嘉粒已登場

陶章瀉字季壽湖南甯鄉人官鳳臺知縣有嘉樹堂集  
趙象庵舍人招至悅性僧樓觀太液池荷花前四日

間法梧門學士已邀蘭雪國博來游有詩次其韻  
金牛湖上看花日權舟往往凌晨出狂飈吹我墮塵土五  
載回頭計全失荷花歲歲能一紅人生漸漸成老翁勿論  
卿相難到手拖朱曳紫終成空平生自歎詩在口有似風  
蟬咽隄柳長吟無用不救飢豈若此中惟飲酒舍人清福

山僧齊念年宦隱居城西花軒竹樹樂不足來看千頃紅  
琉璃禪關晝敞涼風入冉冉綠霧沾衣溼四圍雲水繞闌  
香萬箇娉婷向人立可憐此樂只片時願具井磴從禪師  
誰知二客好懷抱先我已作游仙詩

夜靜

夜靜蛙聲亂庭虛露氣侵淡煙深樹暝斜月半塘陰事往  
都疑夢愁多欲廢吟宵游宜秉燭想見古人心

自南瀕別墅暮歸可莊復乘月訪郭頻伽

城郭人歸余亦返搖搖一舫浪生花疏鐘隔水不知寺明  
月隨船直到家遠見書燈背嶺出更緣石徑傍隄斜吾儕  
良夜休虛擲野店香醪近可賒

殷焯達字覺軒貴陽人諸生官秀水知縣

由港口入遂安坐竹筏早行

側耳雞鳴報曉籌鐘聲遠接水聲流  
寒山野寺知何處竹艇一篙風葉秋

趙均字國章號平垣順德人官揭陽教諭有自鳴軒吟草

乙亥浴佛日伍東坪觀察招同謝澧浦太史游小金山夜宿淡公禪房用張承吉題金山寺韻

玉局留鴻爪金山大小分樹梢遙列岫樓角仁攢雲星斗  
巡簷摘波濤入夜聞疏鐘醒覺夢何處著塵氛

百花澗

在龍潭之下游常有奇花產於其下多不知名冬月尤盛

春色滿天地尋芳日溯洄得知誰氏植時有好花開澗已  
同羅嶠山應勝惠來惠來有百花山野橋衝雪往甯祇看寒梅

何椿齡字竹友成都人拔貢官瀘州學正有竹友詩集

題沈嬾存磨劍圖

學書不成去學劍鬚眉如戟目如電十年霜刃不曾磨出  
匣秋光驚匹練石鑿鑿波濺濺劍光水光融一片攝衣跣  
足向中流水底應使蛟龍愁紛紛世上恩仇多欲磨未磨  
先摩搓荆軻不作聶政死劍兮不利當奈何提劍起行且  
止游大梁入燕市昔日朱門今荆杞負恩不報人盡死殺  
人如麻頃刻耳歸來一劍仰天高泰山一擲真鴻毛安得  
挽落銀河磨此劍劍鋒不折無牢騷鋒摧劍折亦不惜但  
願人間滅盡恩仇迹

寄唐雲芝兼懷同游諸子

苜蓿滿城秋秋風不掃愁此心如落木何處是絳州之子



殊難見斜陽一倚樓應還思錦里詩酒舊同游

楊紹基字桂巖無錫人貢生官丹徒訓導有況梅齋詩

集京江游草

詩話桂巖早孤賴母教成立受業孫文靖之門與劉芙初爲中表兄弟幼同學才亦相埒芙初登上第入翰林尙綱堂集海內傳誦桂巖廣文官拾遺然自得誦其詩者謂超曠絕俗似其爲人身後之名固不減於芙初也

登龍山歌

龍山聳翠磨青銅芙蓉九朵擎高穹連峯橫互數十里三  
春勝地多游蹤我生性本煙霞癖日日尋山興自適不知  
石路險崎嶇有腳不著謝公屐直登山脊披榛蕪懸崖過  
險非丈夫翠微一徑入雲去半空人語聲喧呼石門兩扇  
神驚訝巨斧直劈開一罅共傳此中通蓬萊服藥神人多

羽化卻尋邵寶點易臺蓬蒿沒徑晴煙開荒基廢址已難  
識斑斑碧長寒莓苔瀑珠噴迸散晴雪銀河倒瀉蒼垠裂  
赤虹下飲深澗中奔流亂噴猩猩血遙山縹緲虛無間丹  
青紫碧疑仙寰豐隆擊碎五色石墮地橫插成煙巒憑高  
俯首望震澤潮平寶鏡浮空白遠颿隱隱破雲來疑是海  
上乘槎客日沈飛鳥投林鳴歸途犖确暝色橫玉妃喚得  
冰輪起照我清影行伶俚此時樂極興偏逸卻思買山築  
幽室留得山中一片雲待我他年娶嫁畢芙蓉湖畔泛舟  
歸秋鱗紋細秋風微聽斷臚搖聲欸乃夢魂更繞白雲飛

芙蓉水漲歌

碧空一夜銀河決瀉下塵寰勢澎沱幽居三日常閉門聞  
說蓉湖水波闊我來觀漲蓉湖邊新晴萬象爭芳妍琉璃

萬頃忽迸碎一棹擊破湖中天回頭別望垂楊浦錦纜牙  
檣不知數坐中俱是觀濤人吳姬玉腕輕搖艣風起波紋  
疊萬重河流震蕩何洶洶濤頭怒捲聲忽壯雄驅島嶼驚  
潛龍龍峯倒影勢天矯還似游龍下雲表蘭若樓高水面  
浮頷下一顆明珠小憶昔范蠡乘扁舟五湖散髮隨中流  
黃金萬鎰空鑄像飄然世外恣遨遊我今懷古意慷慨欲  
仰高風不可再惟餘水面丹毛鼻浴戲浮沈逐苕菜此時  
落日沈山阿歸來擊楫揚微波茫然湖山渺無極隔舟靜  
聽吳儂歌吳剛斫桂銀蟾窟失手劈破團圓月半輪卻落  
湖水中半輪依舊懸天闕月光水色接天遙舟師絮語知  
夜潮試看隄外青山影何似揚州廿四橋

惠山寺聽松石歌

古華山寺高崔巍舊有雙松倚石碕靈根入地一千丈老  
榦插天數十圍龍髯落落耐霜久喬枝高處礙北斗晴晝  
常爲風雨吟三更或作蛟龍吼桃花塢下聽松庵亦有萬  
木松與杉豈如此松有靈異蓋影常蔭瞿曇龕松旁有大  
石可以供偃仰篆字模糊綠苔長游人到此倚枯筇坐聽  
松風石牀上忽然動地聲如雷驚濤怒捲滄溟來琳宮貝  
闕恍搖撼山鳴谷應愁崩摧此時股戰膽寒裂坐使耳聾  
神氣奪得毋共工戰鬪酣頭觸不周天柱折每逢匝月陰  
雨時樹下往往潛蛟螭人言白日飛霹靂陰火燒死蚪龍  
枝空心斷節無遺蹟留得階前聽松石至今石畔多松脂  
往往掘得紅琥珀我來石上題新詩沈吟卻動千古悲滄  
桑歷劫有遷改何況草木榮與萎

吳乃伊字莘夫平陽人諸生官定海訓導有石屏山房

吟藁

晚泊撫州

夾岸煙光蘸碧川輕鷗點點傍沙眠隔溪沽酒歸來晚蘆  
荻灘頭月滿船

陸嵩字希孫號方山元和人貢生官鎮江府訓導有意

若山館集

詩話方山爲文端之祖鎮江府學有四靈圖宋乾道中熊克刻石龜龍久佚惟麟鳳存繼亦失去嘉慶中得鳳圖於草萊間復摹刻磨圖併嵌於壁文端生於學舍因以命字其詩由玉溪以溯杜陵道咸之際身歷兵事感時之作爲多子九芝以醫名所著世補齋醫書諸種實能闡發仲景奧義故文端亦精醫世其學

澗上草堂

蕭然甘載閉柴荆，過眼滄桑自變更。  
千古高風追泄柳，一生心事託侯嬴。  
采薇得食何憂餓，卻聘無書爲晦名。  
誰似山陰戴處士，死生不忘故人情。

獨倚

獨倚雕闌有所思，珠簾不捲月來遲。  
分明對酒徵歌夜，悵悵攀條惜別時。  
銀燭搖風光黯黯，紅樓隔雨冷差差。  
夢中連夕金徽到，只是旁人未得知。

讀房瑄傳有感

房瑄空悲將略多，陳濤一戰恨如何。  
早知幕府惟劉秩，應悔心輕曳落河。

白門遇程序伯次韻奉酬

不堪兵火後，重與話平生。  
圖籍他年劫，桑麻故國情。  
素心

知幾在倦眼此同明莫更傷離別風塵幸已清  
惆悵秦淮路西風願屢違墮鳶驚跼跼殘柳故依依久客  
身兼病無田歲况飢蹉跎俱五十豈是未知非

射虎行

翩翩少年誰家子挾彈操戈過都市自言膂力能絕人射  
虎不數李將軍南山獵獵風沙狂林木摧振天昏黃吁嗟  
白額何處藏訓狐作人踞匡牀據鞍顧盼徒旁皇勸君且  
歸釋弓弩今但有狐那有虎

龔鉞字適甫又字季適號漚舸南昌人貢生候選教諭

有四和詩六如詩

詩話適甫師事惲子居舒白香山詩學香山近人則學  
隨園清轉不竭時有傷於流易者其押馬字全韻殊

笑

記暴使君碑十二韻

第一滇南石無雙慶道碑建甯傳胄遠庸蜀定遷遲四姓  
崇鄉望干柯振本支紹班爰采爾氏纍實因之世擅龍驤  
號身丁狼暴滋南中仗磐石天邑仰風儀純懿清明扇英  
雄高略姿晝游曾衣錦寢疾遽騎箕銘既空千古珉應重  
一時文章真漢晉字體亦絲芝我幸臨模在仍當奕禩垂  
阮公猶保護書派此宗師

清江懷松甫先生

春風滿路送歸艘十里黃雲夾小窻記得韋郎佳句好菜  
花香裏過清江

千秋峽坐風懷白香夫子

潭空雨過默龍聲泉漱虹飛石磴明澗水曲緣村外落炊



煙低傍樹中生重來撥草尋詩徑小坐逢人問峽名記得  
千秋題句在峯巖同憶桂林城

曉行卽事

曉起船行杳靄間濛濛幾處鷓聲還離家未慣多鄉夢對  
我有情惟好山帆外園林隨岸轉水邊鷗鳥學人閒蓬窗  
在在清吟足烏榜紅舷又一灣

查人和字藹亭海甯人諸生官順天府經歷有借綠陰  
軒詩藁

遣悶

唾壺敲缺有商聲驚起霜華掠鬢迎舊夢似煙渾欲散新  
愁如霧不成晴三生杜牧餘禪榻一錘劉伶賸酒名草草  
年光容易過宵來生怕問殘更

家查客叔招同吳山尊陳荔峯小集

漸收檐鐸晚風聲一綫天光捲幔迎月共梅花邀客至窗  
銜山色放宵晴陳遵尺牘原無匹吳質文章舊有名爐火  
欲銷鐙欲炮起聽街鼓報三更

嚴廷中字秋槎宜良人諸生官兩淮鹽運司經歷有紅

蕉吟館詩存

蔣伯生日秋槎敏慧似楊遵彥豪侈似王武子名位  
似崔立之政迹似魯仲康詩於古人無不似亦不專

家一詩話乾嘉間滇南詩人以錢南園爲首師荔扉嚴巨

山名亦相埒秋槎爲匡山子少年豪侈構偶園於京

師勝詠爲娛家遂中落入貴爲下僚官萊陽丞海濱

僻處久之累權數邑有政聲晚爲離官於揚州倡春

草詩社撰藥欄詩話符南樵有道光壬寅亂後茂林

茶社懷秋槎詩云綠楊城外吟春草色今猶數載

前江海忽增新感慨林亭不見舊詩篇別來函札難

通雁悲裏山川獨聽鶉風雨自憐懷抱苦倚闌幾遍

望南

天

抵萊陽姜山任東徐石生卽寄之萊州時石生遷據

縣丞

生不能具飛而食肉之骨相又不能遂膏肓泉石之心胸  
吁嗟二者皆不可惟此抱關擊柝或可以追前哲之高風  
髯將軍短主簿此中人材古無數君無輕此卑末官造物  
視之已爲我輩誇奇遇君不見毘陵黃仲則詩才直追李  
太白一丞未就身先死天待詩人只如此噫衙官屈宋吾  
與子

晚望

疏林下寒葉秋在遠人村落日紅如此炊煙澹有痕牛羊  
識歸路蔬果熟山園共說今年好禾苗窩過門

閒嘲

秋心似秋水澹遠絕塵埃問富數花對典衣待客來鈔書  
煩老吏量俸置新醅疏懶能如願吾生賴不才

贈宋典傳

瓦屋三間近訟堂居然宋玉在東牆官慚潘岳風情減客  
有陶潛酒價昂

謂陶伯夔

宇宙幸留吾輩在經營且讓世人忙

曹蜎李志皆千古苦論流傳亦可傷

濡須南望暮煙澄羈旅清懷恐未勝千里夢回秋館月萬  
山寒擁讀書鐙衣裳作嫁蓬門女粥飯隨人退院僧莫戀  
天涯歸去好高堂白髮已鬢髻

周篠雲

鑽

聞子輯詩話以詩見贈次韻答之

斷簡殘編取次搜愛才心事算綢繆花難如意尋枝採珠

明倫彙編 家範典 卷一百二十二  
三  
怕零星作串收得句果然如得土宜春還恐未宜秋此中  
消息君應解何日清談湖上樓

小春初旬周篠雲家芷衫

杜

約同阮梅叔明經陳魯

山孝廉游平山堂歸至虹橋小飲以同游平山堂  
分詠拈得山字

浮生難得是清閒一棹尋僧共往還古佛笑迎前度客夕  
陽紅過隔江山人來粉牘金殘地秋在黃花白雁間有約  
虹橋買村酒暮鐘聲裏別禪關

陶譽相字覲堯大興人諸生官滁州州判有薊圃詩鈔  
伴竹軒偶詠

一院琅玕覆酒缸春來个字盡成雙依人疏影青流袂近  
砌孫枝翠滴窗日永鶯花成鄂杜夜深風雨夢湘江此君

合作閒官伴竟日詩魔未肯降

查有新字銘三號春圍海甯人貢生就職州判有春圍

吟藁

詩話海甯查氏自初白查浦後代有詩人春圍淵源家學不失矩矱集中和陶飲酒二十首自寓生平尤見冲澹之趣

讀羅昭諫讒書

新登鼉江互秀氣鍾毓迺有江東生云何十上不中第英雄落魄同禰衡窮愁著書祇取辱書訝自讒讒乃名沈顏  
聲書杜罪言大抵感憤之所成嗚呼文辭餘事耳士貴氣節如山橫先生受知吳越主首勸大興勤王兵錢雖未聽  
心已悟尋遇真主終歸誠子孫永無僭竊志大義炳炳由  
公明讀罷離騷讀此册不辭濁酒罇罍傾凜然正氣塞天

地文能衛道真干城

雨中同岑華侍御至天竺卽景

一峯收雲入一峯放雲出一峯雲不流雨絲抽乙乙幸際  
天驟陰山路較清謐不然寶馬車十里紛填溢入門禮大  
士繞棟香煙密長老拙言詞大遜舍利佛侍御具辯才頗  
似維摩語不著文字禪慧力更無匹流連雲樹間心意同  
閒逸塵事未能祛歸舟遂迅發

歸舟至金山阻風五日

聞說上流江水惡無數行舟波中落到眼驚看駭浪奔  
忽鯨吞與鼉作連朝况遇打頭風雪浪如山噤舵工長檣  
鐵鹿沙灘駐後榜前艘語不通忽來猛雨如飛怒疑有鬪  
蛟空際舞不辨風聲與水聲但訝前峯拔老樹有時雨止

總風狂鶴首滔滔接混茫似忌客行貪利涉天公作意阻  
歸航五夜洪濤堆裏宿雨著箬篷紛滲漉頻移卧具不成  
眠差幸停船無傾覆石尤小緩楫能移遙見隄邊農婦悲  
羣說圩田秧再插今番水漲又無涯

淮陰道中詠蘆花和韻

會憶西溪秋雪鋪冷風葦岸悵羈孤遙看旅雁過仍宿近  
訝聞鷗墮忽無鶴首和雲飛作絮龍眠帶月寫成圖高歌  
獨立蒼茫裏一片光延萬頃湖

細雨斜風放釣船有人閒傍荻叢眠萬芽猶憶初成筍三  
晷俄看盡作鞭白鷺茫茫迷極浦銀蟾澹澹映前川殘秋  
楓葉江邊路此景頻經不記年

客到江湖萬緒紛無端秋令又中分濛濛港畔疑濃霧滾



其月言目一三二二  
三ノ  
滾洲邊似冷雲紅蓼丹楓原是伴蒼葭白露定需君銜杯  
竟欲呼窮士風起寒漪易夕曛

漁翁再到景應非圍繞藤蘿蔭釣磯是雪是花羣目想和  
煙和雨一帆飛蕭蕭故壘秋多感鳴鴨言禽暝慣依淩水  
有人拳作絮哀鴻徧野正無衣

陳瑞琳字仲久號九香羅田人諸生官河南府經歷有  
食古視齋詩集

中秋夜定香亭吹笛

雨止月初出水亭人影閒攜來一枝笛吹向萬荷間我酒  
半醒醉天風誰珮環夜涼鄉夢遠先到鳳凰山

陸文傑字敏齋浙江山陰人官崑山縣丞有松月山莊

詩鈔

春日借雅亭弟入都謁選留別諸同好兼示雅亭

飲罷陽關酒一卮，驪歌聲起動人思。  
難忘李杜論文日，漫說機雲入洛時。  
駟馬橋邊新折柳，百花潭上舊題詩。  
巴山儻踐重來約定，向西窗話別離。

孺簾叶奏幾經年，雲棧迢遙共著鞭。  
自昔才人多入蜀，從來豪士愛游燕。  
連牀風雨三更夢，滿路鶯花二月天。  
余不負丞君吏隱，可能同到錦江邊。

抵荷湖村作

到耳鄉音聽未真，半生辜負鑑湖春。  
峯巒一笑如相識，我本山陰道上人。

舟次儀徵

綠楊深處古真州，纔郭帆檣萬斛舟。  
十里珠簾遮不住，箇

聲飛出水邊樓

此月系音臣卷一三三

三

湯禮祥字典三號點山仁和人諸生江蘇候補縣丞有

棲飲草堂詩鈔

詩話點山爲西厓少宰孫自言其詩不失懷清堂家法王蘭泉謂西厓詩幽秀出入漁洋縣津而點山頗有奇氣晚出爲縣尉萊陽初向書贈以詩云清才竟如許作尉亦神仙蓋重惜之也

飢民船

飢民船何連連船頭乞食船尾眠自從六月遭大水性命孤懸一船裏船有時而南船有時而北有時中流風怒號大船小船行不得行不得泊何許後村已過前村遙浪花如雪淚如雨淚如雨無時休安得黃河之水不向東南流

粥裘行

宋荅香助教以衣施寒者後不能繼乃粥裘余高其義作此詩也

朝解衣暮解衣三朝三暮復何有但見眼前颯颯西風吹

西風吹骨欲折葛帳練裙踏冰雪翁將何計回陽春粥裘  
不顧妻孥嗔黃絲大布任攜取直視眾身同一身我對粥  
裘翁重憶披裘客千金買裘都不惜卻贈歌童五陵陌道  
傍冷眼空歎呼白公大裘今已無嗚呼白公大裘今豈無  
願君此心終不渝

吳謙字兼山常熟人官鉅野主簿有紅雪山房詩鈔

劍門道中

橫磨萬劍插雲根形勝西川重此門二月鶯花忙送客四  
山風雨亂招魂人情好武殊輕死時俗憂貧易感恩聞道  
嘉陵江上路子規嗚血滿荒村

謝文節公卜卦硯歌

宋亡江南無人才文節一語千秋哀椒團坪及建陽市公

所難者非一死死謝天下死可矣存恢復想生乃是義旗  
不舉心難明但說餘年報親耳當公辛苦卜卦時茫茫四  
海無人知人民城郭都如故忍把興亡歸氣數滄海今更  
幾百年卜卦視尙能流傳相看不暇辨真假紛紛託興留  
詩篇微物猶爲後人重大節得非公自全嗚呼宋亡死事  
尙有人文信國外無公賢

重游京師留別

不有升沈感渾忘出處難生還自戎馬家食託漁竿復與  
輶紅約思乘戴白歎故山吾負汝臨發爲重看

過王蘭泉侍郎三泖漁莊感舊

湖海論詩日惟余最少年大名安石重小友步舒憐竹裏  
曾懸榻花間屢泊船漁莊今日路腸斷落星邊

王蔚宗字山春江蘇華亭人官宣城主簿有端居室詩

對雨憶春船

赤龍睡醒渴飲湖天帝下授調水符農夫得雨如得珠是  
活萬家非私娛吾廬近市塵樊拘猿吟鶴夢思逃虛安得  
仲宣樓坐子俯臨萬畝看畊鋤秧鉞一碧風疏疏煙中叱  
犢蓑笠濡身閒不識青組紆勸農使者過聽渠田園雜興  
陶潛攄科頭倚檻歌烏烏簷前雨點晚更麤急提餅盞催  
奚奴黃梅水甘逾醞酬貧家茗材抵蓄租入門百甕富有  
餘海上髯翁今來無我具盧仝小竹鑪灌子七椀腸弗枯  
倒出奇句買玉壺莫遣王郎幽賞孤

秋蛩

東野詩鳴何太苦南園鬼語未全收澹煙曉月迷三徑破

葉疏花老一秋

王斯年字海村海甯人諸生官長淮衛千總有秋膝書

屋詩鈔

詩話海村師事張船山船山歿後海村畫序詩圖以志哀思

除夕有感

年光如水去何賒星影侵人鬢漸華身有餘閒拚中酒夢  
忘是客竟還家堂高雅愛來春色山冷憑誰說舊花寄語  
嬌兒癡弗賣不癡我尙困塵沙

哭張船山先生卽題序詩卷子

羣彥傾談一座尊春風曾侍草堂溫詩傳衣鉢開奇境語  
到君親有淚痕不佞自憐餘傲骨長貧何處答師恩丹青  
幸得生花筆摹想遺容彷彿存

林遇春字鐵山平遠人監生官宛平石港口巡檢有妙

香庵詩存

由湖曲訪山堂居士留贈

幽徑春寒峭野花開未繁籬疏搖竹影橋側絡松根山霧  
欲爲雨溪流總到門我來尋逸士相對欲忘言

秋郊晚眺

閒行近郭遣無聊雲物稀疏漾柳條隔浦歸帆輕帶雨小  
橋流水暗通潮巖前瀑響飛晴雪煙裏歌聲出晚樵最愛  
夕陽溪畔路滿村紅葉落蕭蕭

九月十日偕諸同人集謙齋別駕齋中賞菊

風雨纔過落帽辰招邀花底醉芳晨冷香入座清於水秋  
色相看淡似人四海論交天地闊一堂高會性情真東籬



菊滿難歸去羞著先生漉酒巾

辛未九日偕同人登城感懷

雲晴天宇淨墟里上炊煙落日千山暮秋心一雁先孤城  
連朔漠野水自澄鮮愁對霜華冷黃花著意妍

登盤山懷湘南鄧湘皋孝廉

洞庭南望重躑躅野色蒼涼落木疏春水綠波人去後秋  
山紅葉雁飛初飄零張儉還爲客憔悴長沙尙著書頻向  
天涯遙極目故人消息近何如

周寶生字晉齋吳縣人官龍灣司巡檢有養雲軒詩橐  
長青閣詩鈔半帆亭橐晚香堂餘橐希白齋近橐無  
倦書屋吟橐掃籜山房存橐

抵鎮遠縣作

路入龍標景物紛城臨水陸勢斜分扁舟暫泊灘頭雨細  
馬輕馱嶺上雲七十日過如度歲六千里未息勞筋關山  
似覺重來好澗草巖花撲練裙

江樓

客鬢新生白西山不改青予懷殊渺渺晚色更冥冥路遠  
浮孤棹江空浴亂星何人吹鐵篴鄉思滿煙汀

書懷

小草雨露偏欣欣便得意才吐一枝花臨風學娥媚

秋日送秀枝東歸兼寄濱川諸友

異地難留爾言旋各自謀雲停蘭渡晚風醉石湖秋舊雨  
知誰健新阡代我求雖經離別慣倚杖涕先流

過子陵釣臺

明倫彙編 卷一百二十二  
言  
故人不是爲天子同學如何有釣臺七里青山千尺水畫  
眉聲裏碧桃開

夢游靈巖山寺

幾載欲歸歸未得不圖夢裏卻來歸視山一角青如染香  
水三篙綠正肥西子洞邊春草合伍胥廟外怒濤飛疏鐘  
無賴催人覺依舊荆南淚滿衣

錢允濟號芷汀昆明人官呂堰巡檢有觸懷吟

別雷二陶

同是遠游子君歸增我傷與君干薄祿先我慰高堂芳草  
滿幽谷白雲多故鄉扁舟獨未返揮手淚霑裳

月夜江行

晚潮初上片帆懸秋氣蒼茫望杳然月色到江都化水山

痕入夜欲成煙  
霜清烏鵲聲中樹  
客渡魚龍影裏天  
鐵鎖石城懷往跡  
高歌擊楫不知眠

晚晴移詩匯卷一百二十二終



晚晴移詩匯卷一百二十三目錄

姚椿 十九首

陳逢衡 五首

曹言純 二首

徐基 五首

馮雲鵬 五首

潘恭壽 二首

趙之琛 一首

汪适孫 一首

王嘉祿 七首

朱紫貴 二首

焦廷琥 二首

黃式三 一首

史臺懋 四首

江之紀 十三首

戴鑑 八首

覺羅舒敏 七首



晚晴簃詩匯卷一百二十三

徐世昌

姚椿字子壽號春木婁縣人監生舉孝廉方正有通藝

閣集

詩話春木以貴游子弟績學礪行最服膺姚惜抱故學派近之所輯國朝文錄宗旨甚正晚年家居講學吳中推爲者碩詩尤雅正醇懿才鋒俊拔而以醞釀出之迥異浮響蓋能矯袁趙末流者也

蓮花寺秋感

佛鏡照客夢秋氣空人心不厭世味艱安知禪定深輪躡  
渝餘盞鐘磬生曾陰孤花明寒衣清詩調王琴肅肅霜下  
羽械械風間林歸思一以馳君聽空外音

謝泗亭太守丈邀登高望山望峩眉

三江合流勢初放嘉州一城作隄障隔江羣峯高插天城



中一峯屹相向江聲山色無盡姿一峯盡納羣峯奇穹樓  
乘風欲飛去對面直撲三峩眉峩眉如美人隱見乃有數  
太空無纖雲一角秀微露峯巔橫絕太古雪直射雙眸氣  
寒亙兜羅綿影空濛濛咫尺何曾墮煙霧君不見東坡不  
作漢嘉守太息陵雲空載酒謝公家住會稽山萬壑千巖  
重迴首山巔白雲殊有情一片飛來落吟手登高著屐更  
持杯宣城永嘉古來偶我聞蜀山首岷嶓太蒙西來同嗟  
峩神仙靈跡闕終古太沖賦出誰能訶名山不列五嶽數  
灌莽堙沒千巖阿明朝徑擬入山去飛雲頂上攬身過

舟過長壽感賦

嘉慶之二載孟夏月上旬舟行發巴渝薄暮瀕江濱因思  
去年冬此邑遭黃巾傳聞意尙惻何況目覩眞繫纜上岸

行城市皆沈淪一山在城西廟宇黯不新不知何王宮樓  
觀棲微塵棟梁未盡圯階級猶可循劫灰所偶遺此亦靈  
光倫折行入禹廟明德昭明禋謂當食萬年何意荒荆榛  
內有前縣令坐繫經年春守土棄土走何以腰垂紳諜告  
反得死何以謝萬民廟前雙桂樹圍大容轉輪曾見探丸  
來烈燄飛城闐我欲從之語無言獨含顰偶焉遇牙郎爲  
我瑣細論自云有父兄同來達巴岷與君爲同鄉身亦江  
南人嗟哉爲利謀豈意遭難屯先是驚風鶴寇至聞比鄰  
自當靜境內大義慷慨申民心旣以安士氣亦以振常時  
乏備禦臨難猶逡巡游偵彼何辜乃向長流湮靜鎮爾豈  
能聞賊意則曠城中擊鐘鼓城外叢棘種此地高踞山其  
下爲通津寇來何坦如不用設距堙官守死其職去就民

所遵縣令倉卒逃餘衆尤私身擠排大江中戢戢爲魚鱗親戚誰復知但聞呼救頻縣尉獨守廨平日頗寬仁賊渠知好官推磨使之馴願爲厲鬼死氣結不復呻元戎率滇師解圍策如神首問失城罪有喙何能伸章綬宜在腰積貯宜在困狂狴宜有囚庫藏宜有銀一一皆自服繫俟軍事竣獨惜十萬家一炬胥泯泯至今月黑時野闊飛青燐有父兄欲問無由詢孤身客他鄉已矣長含辛吾聞此言悲涕泗橫無因蜀中苦兵久惟有呼昊雯作詩紀姓氏尉張令則陳生者戒守吏死者勸爲臣

峽中行十餘里奇奧殆絕出峽後上辣子山險峻爲諸山之最

空山無人鳥欲棲後者鳩嘯前猿嘯兩面絕壁中一溪衆  
峯壓天天亦低羲和有轡不得騁山勢欲掣斜陽西斜陽  
到山不到地影射瀑布晴無泥飛流直下二千丈衝石石  
白一色齊有時欲落不肯落片片擊碎青玻璃雲根突兀  
峙崖底沙石相夾成徑礙輿夫利涉視晴雨我行雨過徑  
不迷平時暴漲盡淤沒巨浸不許牛駕犂便思盛夏此消  
暑道遠何用餽糧齋山行快意苦易盡突落萬仞高岬巒  
作勢偃僂磨盤螳舉步跼踖藩觸瓶仄身樹礙險被挂當  
頭石崩如欲擠誰知此路有時上風吹絕頂陰淒淒下坡  
走丸側復側勢險節短不敢稽陂陀礧礧盡如此直使人  
力窮攀躋令我回首望石峽到此閣筆詩難題

湘妃祠

湘瑟十三弦離騷字字傳空江無月夜太古有情天怨竹  
祠山鬼哀蘋薦水仙送迎應有曲誰附九歌篇

屈子祠

荆楚邱墟廢湖湘日夜流異朝餘涕淚同姓託危憂敗壁  
難爲古寒花易感秋征途循枉渚浩蕩駕螭蚪

弔諸將相詩

韓范威名塞外崇晚年裴令保孤忠九邊動色思元老四  
海同聲哭相公靜默尙關天下計安危眞有古人風留侯  
誠意陽明後又見文成史冊中

廿年節相望君門手取輿圖奉至尊奢到汾陽難稱德死  
如新息竟招魂任遭當道彈章忌獨拜中朝異數思外戚  
勳名藩鎮罪是非身後待誰論

籌筆籌邊鬢有霜  
鄧侯勳伐在旂常  
岷峨形勝三持節  
戎馬功名幾戰場  
儒將軍容須整暇  
暮年家難太倉皇  
孫宏東閣塵封後  
誰下西州泣數行

江南封事意如何  
同唱西來出塞歌  
門戶竟分牛李局  
邊庭終失鄧鍾和  
全家朝右恩榮極  
三帥蠻中瘴癘多  
何幸武安猶免族  
漫將朝露歎蹉跎

節鎮重登上將壇  
炎風病骨易摧殘  
國恩畢竟捐軀報  
公論都嗟得諡難  
百卷傳書名壽世  
萬間廣廈士忘寒  
舞干別有綏苗略  
何止才人淚未乾

錢南園通政畫馬

古來畫馬工孰最  
公麟後出曹韓低  
錢侯骨格古君子  
神駿意欲空四蹏  
一縑揮霍氣象出  
萬里叱咤風雲齊  
昂首

定當負鹽輓汗血豈是來月氏北風蕭蕭莽空闊誰有萬  
仞凌虛梯我聞錢侯滇南傑金馬光采動碧雞權奇氣概  
戒立仗誅蕩閭闔驚長嘶平生志不戀芻秣一蹶豈意前  
塗泥王良累啼伯樂歎天廐再入庸工詆枯萁濁水驕日  
炙蹇僕傲裘寒雨淒雖然此馬有直幹餘怒猶足決狡獪  
今觀此圖挾雄特斷不屑屑從雞栖仁人志士各懷抱高  
山大川終瞖迷人間駑駘萬萬輩駭汗卻走橫沙隄

月夜望君山

大江西來漢水合山矗江心立孤塔青天一月一青山無  
數魚龍夜紛沓猿聲宵嘒處處聞君從何處哀湘君斑痕  
淚點向空盡回首客帆空白雲

馬肝峽

暝色落我前夜卧入寒曲素靈透明晦深秀藏峯綠平沙  
一微步破影峻遙矚石子實鏗然傾聽久乃續泉源引虛  
籟泠泠何相屬夢醒空中絃天風戛珠玉翻嫌人語動亂  
此幽響觸山泉赴江水我夢隔凡俗

灑瀨堆

河有砥柱山江有灑瀨堆此皆一當百轉激生風雷碎石  
所積成根結元氣胎蘄如太古木厯劫逃天災扁舟出當  
中一觸愁崩摧如象復如馬漲流益喧厖吳楚萃珍奇巨  
舸嗟峨來關司啟閉嚴爭逐無遲回我行良獨難爾何嗜  
貨財

江行偶作

渺爾天涯去淒然騷客悲秋風山谷寺暮雨小姑祠歸燕



依檣遠神鴉舞舞權遲蕭蕭江上曲還唱竹枝詞

鳳縣冬柳詞

垂手當筵玉酒紅曉烏嘯罷暮林空深山冰雪渾無用一  
樹承恩在永豐

離思天公也不堪一星高動影毵毵烏鞞紅笠青山路不  
是江南是漢南

絲鬢寥天感鳳笙尊前翻唱柳枝情東君不怕離人苦更  
遣明年著意生

陳逢衡字穆堂江都人諸生有讀騷樓詩集

詩話穆堂有竹書紀年集證逸周書補注亦篤  
志樸學之士詩特諧適自序謂未能專意也

丁酉暮春有感

呼庚徒羨玉山禾何肉周妻累若何明鏡照顏時態少長

機託命淚痕多家如瑣蚌惟資蟹心似眠蠶已化蛾九十  
春光今又去人間空著老頭陀

無計

無計支愁慰寂寥閉門黃葉雨瀟瀟人情略解方三拜仙  
籍難通郭四朝京洛報書沈夜月廣陵歸夢落秋潮亦知  
垂釣滄波好生活憑誰飲一瓢

江口送別

夕陽催客早登程握手停杯淚欲傾十里晚風吹鬢影一  
江春水化離情帆開煙樹冥濛走潮落魚龍浩蕩行卻恨  
不如隄畔柳隨君直到武昌城

游攝山

策杖上崇岡荒草沒游屐一鳥度寒色遠引入空碧莓苔

護寺門古樹卧石脊幽僻陰森多俯仰咽清魄飄飄衣帶  
間但覺雲氣白

花落

花落斜陽外無人酒半醺客愁多似水春夢亂如雲  
庾信傷心賦陶潛自祭文古來賢達者誰不淚紛紛

曹言純字絲贊號古香又號種水嘉興人貢生有微賢  
堂集

題花南老屋

重畫春風舊釣磯藥畦花町已全非南鄰父老猶能記紅  
板橋東白板扉

郭頻伽病起懷人圖

客裏無人共酒卮藥囊題罷復題詩一年幾日關門住轉

憶匡牀卧病時

徐基字立山天津人監生有立山詩草

梅樹君曰立山好句如買書添睡料識字種愁根古城生蔓草野店覆空盆披襟風在袍舉首月當天古今誰大覺風月有餘清皆快人口

詩話午園公官江右公實侍行引拔士類多所助贊教子姪輩皆成名同邑沈存圃先生評其集中有精意非堆垛以求工者不盡唐音卻殊宋派其品故高

已巳七月昌邑途中遇水以車作舟行三十里賦詩

紀事

少年尙意氣到處學游仙見險不知止日暮猶加鞭破浪江湖裏獨泛木蘭船壯志凌山岳雄襟貫百川古人難行路我意殊不然策馬走山左平坦可安眠秋雨忽淋漓墟社成深淵茫茫圍天住浩浩渺無邊征車息古寺借榻且

遷延寺僧爲我說前流難尋沿五龍新決口柳溝勢相連  
欲渡無舟楫不如且言旋躊躇正乏策夜雨復連綿點點  
滴心上客況倍憂煎秋蟲聲唧唧若亦爲子憐輾轉不成  
寐起坐看雲天朝聚土人謀不惜杖頭錢沽酒供一醉聊  
作歡喜緣土人俱踴躍願共涉淪漣旋即駕我車驅之入  
清泉或者推其尾或者挽其前馬亦奮兩耳努力渡雲煙  
以車代舟筏居然行之便途長馬力乏車內水涓涓喘息  
復前征飄飄到陌阡僕人長歎息此行尙勉旃我唯願之  
笑水下盡原田並無蛟龍窟何必畏其顛吁嗟乎人世風  
波險十倍兀坐尙可被拘牽似此清流殊不惡相對長吟

秋水篇

曉起

曉起渾無事茫然負此生  
漸隨池硯老仍逐羽毛輕  
久約心方坦思艱氣自平  
他鄉常作客管子代春耕

卽事

日落天光淨披襟放浪吟  
雲邊來鶴影風裏度蟬音  
竹瘦同詩骨山青繫客心  
此衷原不昧物欲漫相侵

庚午中秋書懷

月色明如晝溶溶照客窗  
弄花堪作伴對影喜成雙  
壯志隨時易雄心借酒降  
所思千萬種全數付滄江

恨婦詞

天道未可測人事未可知  
豐歉數所定施報庶無私  
山左逢凶歲我正游不其哀  
鴻鳴四野窮黎日苦疲  
有司勤撫卹縉紳効驅馳  
就食四萬口開廠日午時  
晝地分男女奔

走俱淹遲城東王氏婦扶姑抱女兒冀得三人糧聊以解  
朝饑粟米未到囊老母已傾敲側身援以手幼孩復見遺  
肝腸已痛絕那堪踐踏隨勢如萬壑趨兩肱難護持輾轉  
人叢裏捐軀盡孝慈可憐三女子頃刻無完屍士民長太  
息行路淚亦垂救荒無善策古人曾言之天平彼何辜所  
遭竟如斯此理殊不解漫成恨婦詞

馮雲鵬字晏海江蘇通州人有掃紅亭詩集

詩話晏海好古耽詩者刊金石索傳於世詩喜馳  
騁錄其題詠金石者數篇以識風流好事之概

芊子戈續歌

芊子名嬰見漢志一十八篇成往事儒家者流書不傳得  
此一歌猶快意內業六改名目連想見談兵鑄兵器造字  
古文書作船說文可證神通寺楚王授師不到魯魯亦無

聞羊舌至芋子七十子之徒甯無手澤存遺地周公廟側  
土花香宵光尙帶英雄氣此戈不與正師同二千年上賢  
人制內倍胡三援四之考工尺寸無殊異好與周公負展  
圖精靈永壽人間世

魏景初帳邊構銅歌酬張文麓孝廉

性粹

余閱金石記兩記廣構銅此名邊構尤罕見赤金幻作硃  
砂紅尙方密鏤景初字三十二言真魏隸蜀帝取銷寒儉  
甚何不當年取大器幸此未鑄五銖錢入土出土苔花鮮  
流蘇灰滅朱竿墜消沈兒女英雄淚張君獲此費搜尋貽  
我絕勝千黃金入手纔盈握可作花金屋對此如對素心  
人宜供幽蘭與幽鞠磚偕寶鼎傳碑共黃初古漫誇樊榭  
詠西疇我有奇珍得東魯



武周長安造像石刻歌贈顏鹿門石高漢尺二尺二寸半狀如佛龕左

邊損壞中鏤佛像右刻大周長安二季歲次壬寅

十二匝廿二其旁有施主字而泐其姓名考長

安二年武則天僭位之十九年也其月日作匝

正與泰山下鴛鴦碑相同舊存樂園顏子鹿門贈

以歌  
明空偽號周長安鑲石船象如瑠龕中有古佛如華鬘蓮

臺跌坐儀容端臺底獅子蹲而安蠻奴承臺氣力殫匝

字異右側刊惜其左側已凋殘當時佞佛崇旃檀天堂明

堂金碧丹紛紛投龍登泰山鴛鴦碑上字屈盤一時風氣

開鄉關此船象者姓名剜但見凹凸苔痕斑樂園郭亭多

古翰竹葉碑側尋且看鹿門贈予投予歡何以報之雙齊

紈取供齋頭石骨寒兜羅雪氎香漫漫奉請拈花微破顏

後梁招討王彥章鐵鞭歌呈景縵樓太守

王鐵鎗威名揚十盪九決人莫當鬪雞小兒視晉王斬其  
來使如犬羊末帝昏亂梟鴟張屢建奇勳匿不彰老臣冤  
憤摧忠腸授以劣卒驅沙場失守中都敗遞坊招討一死  
梁卽亡誰拾此鞭猶收藏赤心報國金煌煌中都在汝西  
南鄉遞坊之鎮不能詳荒祠古墓風悲涼嗟哉梁亡招討  
不亡人死留名鞭亦香令我拂拭心磅徨凜凜猶見王鐵  
鎗

題桂未谷明府戴花騎象圖贈桂生樸堂

桂氏之祖秦博士先生乃更窮經史一官萬里赴滇南十  
載永平貧且死經濟以外惟著書袖冷風淒餘故紙對此  
插花騎象圖先生未死精神舒高踞象背花滿鬢鬢女擁  
仗行吹竽兩峯說鬼畫鬼趣此更奇麗人間無嗟哉先生

嗜金石子愧同心未相識展卷不厭反覆看似共老落對  
晨夕讀君札樸誦君詩漢魏六朝爭雄奇東晉直尋麝君  
墓南詔親模德化碑溫經學古俱超絕幸有慈孫光闕閔  
邇來負笈從子游摘藻揚華豔雲月先生騎象爾乘驄後  
先相逐遙相從他日揚鞭歸闕里顧影猶傳乃祖風

潘恭壽字握箕號蓮巢丹徒人

詩話蓮巢以畫名詩亦清遠拔俗不作唐以後語所  
作畫夢樓輒題之因以增重然蓮巢詩畫皆足以自  
立不盡  
因人也

黃葉和王夢樓

衆芳消歇盡楚客已關心復此黃葉落蕭森楓樹林野渡  
夕陽亂僧樓夜雨沈記向吳江別迢迢直至今

送陳太史濂歸商邱

天空片雲遠執手丹楓林細雨此爲別長途秋正深江城  
寒笛暮山月曉鐘沈各有關情處誰將千里心

趙之琛字獻甫號次閑錢塘人

詩話次閑爲秋堂弟子嗜金石文字佐阮文達摹刻  
鐘鼎款識善治印有補蕪迦室印譜兼精繪事樹石  
草蟲致極生動亦工書以六朝碑  
版人行草神采奕奕不落恆蹊

丁酉端月偕章次白過孝慈庵用復亭禪師夜過半

畝居詩韻呈青雨上人

落日照城陰煙樹覆茅屋阿師坐高堂焚香愜幽獨清興  
發清吟散筆寫散木几案淨無塵胸懷虛若谷我來避諠  
囂對此稱快足莫嫌半畝寬世界藏一粟

汪适孫字亞虞號又村錢塘人候選州同

次閨秀陳坤維手題元人百家詩韻

寒女生涯事可知殘篇臨棄更題詩一般蠹粉飄花感略  
抵離鸞別鵠悲乞米何心留券帖賣珠有恨到書癡羸將  
墨瀋流餘麝復此熏香展卷時

王嘉祿字綬之一字井叔長洲人有嗣雅堂詩存

詩話井叔爲王揚甫季子幼承家學探原漢魏沿流  
唐宋下及明七子不拘拘一家言陳雲伯彭詠莪均  
爲選刊其詩

年二十八卒

雨霽

空庭響初寂簷鵲有喜聲開門看新綠屋角微陽明白雲  
不歸山藹藹涵空行野水奔稻溝冷然澗泉鳴老農荷蓑  
出一鋤帶煙耕稚子似我識前邨笑相迎徘徊不知遠暝  
色蒼然橫歸路望林火悠然動詩情

由支硎至天卒

凌晨衝雨行籃輿縱遐眺轉轉入深山愈轉山愈峭沙黃  
曲磴寒林丹陰壑曜但覺四壁高已忘亂峯奧宿霧補僧  
衣驚颿墮客帽積厓貼紫花虛厂緣碧蔦平蕉獨鳥翻澄  
潭萬松倒紆迴入石門呀然豁一竅中行頗坦平涓涓滴  
飛瀑屋近荒雞鳴林深餓鴟叫前望天平山身隴白雲到

齊雲樓觀硯

月華冷浸吳城樹一片紫雲飛不去霜寒碧甃埋鴛鴦土  
花威鱗融麝香朱甍綺檐挂參斗元和使君來置酒滿闌  
芍藥嘵春紅山頭鯉魚飛化龍綠墀香塵印羅襪可憐焦  
土阿房宮鬼鐙散螢寒貼貼灰蝶棲煙抱黃葉銅爵香姜  
共爾愁玉蟾淚滴凝清秋

遣興

數日掩扉坐階前芳草新爐煙清入夢茗味澹如人疏雨  
將催暝妍花各爲春酒邊有心事不惜典衣頻

雨後懷君繡

驟雨傳聲急西風壓夢頻殘燈依靜夜空館入新春歌哭  
餘雙鬢饑寒豈一身楓江楓葉滿想見閉關人

歲除前二夕雨

坐聽疏鐘歇難爲對酒情殘鐙搖瘦影寒雨入春聲孤館  
簷花落空階木葉平聞雞知夜半雄劍向人鳴

城樓眺雪

蕭蕭飛葉下林端點點歸鴉向晚看雲斷中天孤塔迴雪  
垂平野萬家寒隆冬薪米添憂劇外郡流亡得食難自欲  
著書頻避戶暫來岸憤一憑欄

朱紫貴字立齋長興人貢生官杭州府訓導有楓江草

堂詩彙

詩話立齋精考訂之學錢塘吳氏重刻如隱堂本洛陽御藍記立齋以各本校勘成考異一卷附刻於後藝林推重詩多憂時感事之作潘繹序學使採入轄軒續錄以爲結響沈雄懷抱岸異當在謨觴瓶水諸家之右云

晉太康九年殘磚硯歌

張郎貽我磚一枚迺自官奴城下來紀元太康紀年九斷  
紋斑剝如雲雷典午寰區纔混一銅駝轉盼蕪蒿萊龍驤  
將軍三級塔不有趙逸誰知哉頑質塊然瓦礫比故應起  
滅如飛灰胡爲歷久尙完好聲價欲比銅爵臺當其搏埴  
爲胚胎豈意琢削爲硯材檀匣錦茵一位置遂登几席離  
塵埃竹頭木屑無棄物焦琴柯笛有別裁苟非因才妙驅



使豈免擲棄荒煙堆自來物物有遭際抱才何患終沈薶  
獨恨不識王右軍爲把栗尾書麝煤羽陽宮香姜閣高寒  
碧瓦千門開非無千秋萬歲字寒蕪蔓草空徘徊爾獨因  
緣結翰墨龍尾鳳味相朋儕我歌此歌三太息古今貉邱  
土一抔

赤烏甄歌

銅仙辭漢鉛淚垂爵臺瓦作鴛鴦飛國山圍碑亦僞託青  
蓋黃旗竟入洛吳宮花草成荒蕪此磚何獨全形模紀年  
猶是三分國壘石何如八陣圖父兮如龍兄如虎坐擁江  
東一片土可憐身披鼯鼠裘此缺應難鍊石補爾不玉碎  
乃瓦全表墓聊志延陵阡作公作卿亦何有華屋山邱一  
回首嗚呼人生安得如爾壽

焦廷琥字虎玉江都人有蜜梅花館集

阮芸臺曰里堂子廷琥能傳家學年十四隨里堂來杭隨衆賦詩動有佳句如天竺道中云半里百重樹一樓三面山西園讀書云繞戶書聲花外遠隔巖山影雪中明時校浙士以天文算學別爲一科里堂佐余閱卷廷琥知平圖三角之法嘗令其步籌推算以驗得數百不失一

自雕菰淘夜歸

舟載夕陽去歸來月已斜岸明人照蟹林響葉爭鴉暮港

聯漁艇秋星閃浪花三更無犬吠比戶樂桑麻

柴門晚望寄王偉儒

開業

滿樹斜陽鳥雀喧傲霜殘菊在籬根只今秋水尙圍屋且喜漁舟直到門野渡過橋寬岸迹鄰翁扶杖驗波痕回頭紅葉蕭蕭落樽酒何妨共細論

黃式三字薇香定海人貢生

詩話微香博綜羣言不立門戶尤長於三禮嘗輯周季編略謂可見周德留遺之遠爲前人所未及言

齊芘寄胡生伯寅

齊芘和人澆鉤吻雜黃精淄澠味誰辨  
鴟鳳竟齊鳴儒書羸老釋孰懲  
舒與荆爾愛漆園書幸而還嗜經訓  
詰聲音徹徐思性與情轉圍自敏捷  
苦口豈能爭爾彈琴一曲寄書邀我聽  
我疑今日譜雅鄭不分程魏文嗜新聲  
絲竹耳亦盈岐山越裳操都與蠅蛙并  
我憾如陶公無弦索寂寞讀書避甚解  
儻侗過一生子細別宮商覲望和且平

史臺懋字句循號半樓合肥人有浮槎山館詩集

詩話半樓詩學王孟韋柳間涉中晚頗多佳句陽湖左杏莊宰縣亟稱之廉訪浙中招之入幕並爲刻集陸祁生爲廣文亦重其詩贈句云平梁一詩人寒瘦若古木蕭齋著此客覺我亦非俗

擬古

木落天地瘦萬象皆枯槁鷓鴣盤遠空曠野風浩浩杖策  
訪孤茅嶠然見一老朝夕空簞瓢左右惟桑棗歌聲激金  
石且復攄懷抱飢寒無黯顏端坐能靜好鬱鬱西陵松風  
霜常自保

山中作

貧賤愛居山澹然無世慮空水映衣巾殘霞明杖屨俯視  
見孤村離離惟煙樹人作螻蟻行逶迤緣細路巉巖深合  
沓弄石成小住隔雲聞暮鐘沿崖且歸去

題友人南游詩後次韻

斷雲宮樹似曾經悵望天南帝子靈春水帆懸三楚白夕  
陽人入萬山青勞勞塵世身如葉草草浮生鬢欲星豈是  
不歸甘浪迹東風杜宇太丁寧

春陰

積陰如夢暗春城醉擁衾稠睡不成芳草隔簾寒色重落花空院雨聲輕誰家畫閣和雲啟野老烏犍破曉耕明日新晴山下路東風紈扇幾人行

江之紀字石生婺源人諸生有白圭堂詩鈔

詩話白圭堂詩潛氣內轉長於古而不精於律七古尤多佳製

山中偶步

翳翳松竹閒經年此閉戶空翠滿山樓簾疏白雲補偶隨麋鹿行遂忘登陟苦清泉瀉高巖危嶺通深鳴乾坤正蕭條墜葉紛如雨日落西山陰餘輝漾遙浦荒途愜幽尋秀色屢挹取安得買山資終焉結茅宇

庾樓夜飲

楚天日落殘雲碧千山萬山起暝色東風喜客上樓來吹  
送飛花滿茵席樓前長江水拍天樓上銀燈四面縣燈光  
直照波心裏驚起魚龍不得眠主人酒酣客耳熱今夕祇  
許談風月若使人生無白頭月到圓時應不缺君不見此  
江滾滾流無窮此樓閱盡幾英雄仲謀公瑾俱黃土何況  
元規與稚恭龍驤虎視亦何有潤色江山還是酒舉杯問  
天天不言長庚墮地大如斗

自九江抵南昌途中雜感

去年見春風會與春風約明歲花開時故山酒同酌息壤  
猶在彼生計轉落拓方辭庾公樓又上滕王閣春風不我  
欺我自食前諾可憐龍尾西桃花開且落

峭帆入彭蠡大姑迎雲中驚濤沃白日鬢髻青濛濛下有

古戰場會葬千嶽腫至今風雨夜鬼火盈鮫宮真龍與假  
虎一例隨西風誰言廣武歎狂談非至公

將至韶州沿江一帶石壁奇甚

海風翻雲半空黑大鵬南游墮雙翻千年老羸橫九畝蹲  
岸怒與蛟龍敵不然定是貫月查牛渚撐回巖山側舟人  
指點初不信世間那有此奇石惟奇故險險故妙突兀縱  
橫累千百若使生當江浙間肯數太湖與靈壁可憐棄置  
天南頭猿鳥驚疑人不識

六榕寺有懷坡公作次南城師韻

秋雲覆地古刹荒寺門一榜鸞鳳翔眉山正氣何堂堂千  
載翰墨留清香當時讒人正高張羣飛刺天蔽太陽貝錦  
潛織巧異常黨人碑首司馬光公也遠投蛟蜃鄉慷慨度

海鼉爲梁乃心無日忘廟廊矯如勁柏合秋霜陶詩柳集  
壯行裝朝雲叔黨慰淒涼餐霞卧月南斗旁脫屣富貴如  
毫芒念公蚤歲厄舒王南來禍始蔡與章坎坷百折氣彌  
昌泉源萬斛無盡藏魑魅逢迎又何妨羅浮天半同青蒼

南海神廟伏波銅鼓歌

波羅神廟東西壁銅鼓大者徑四尺小者微殺五之一鬱  
儀結璘長合壁大者浮自海中來小者潯水灘頭得縠紋  
龜紐吐光景遺烈猶傳馬新息新息當時征交趾據鞍目  
已無徵側範金鑄此壯軍聲蠻奴一聞皆辟易搥時曾墮  
浪泊鳶撮罷還和武溪笛宮門馬久隨劫灰海邊柱亦埋  
沙磧獨留二鼓鎮炎陬貝闕深沈不敢隱雌雄變化善飛  
騰律呂鏗鉤應潮汐馮夷喜時一揚枹萬里晴空飛霹靂



天吳震掉鯨魚走魑魅夔夔皆喪魄俚獠如雲輸寶釵買  
費千頭牛不惜方今驪駟駕鼓車百年耳不聞金革麟皮  
四縣鱗尾擊簫韶一奏遠人格鼓兮安得置汝辟雍間逢  
逢上揜岐陽石

光孝寺觀南漢金塗鐵塔歌

尉佗城西訶子林貝多葉綠清客心寺僧示我南漢物烏  
金寶塔塗黃金憶昨紇干凍雀死洛州歲歲易刺史海中  
妖蜃作飛龍攬黑嶺南天萬重公卿皆由蠶室進剝皮鑿  
面當酒令誰能救此一方人不死干戈死苛政驕奢淫虐  
五十年斗牛怨氣接西乾富貴無聊圖作佛卻思鑄此廣  
福田比邱監使名爭列此錯何止六州鐵看來原不是金  
塗點點萬家兒女血溪州銅柱生秋苔錢唐鐵券亦塵埃

區區一塔故無恙陰雨時聞冤鬼哀君不見歌舞岡頽麋  
鹿上小南強作降王長錦衣百輩東市刑銀鐘拜賜雙淚  
零此時老佛偏無靈

文信國綠端蟬腹研歌

有謝泉羽銘云文山攀髯之

焉憶當日與文山象戲譜玉躉金鼎一局石君時  
在座右銘曰洮河石碧於血千年不死衰宏滑乾  
隆丁未杭州臨平漁父網得於湖中  
今爲南城師物詳見賞雨茅屋集

黃冠不返燕山客柴市風霾蔽天黑剖將徑寸夷齊心染  
出一方天水碧故人卻聘逃臨安有叟西臺擊竹還相逢  
靜聽唳鵲哭石君灑淚比人寒斜飛半角都安在朱烏魂  
歸朝局改母妃難補女媧天帝子誰填精衛海會稽山南  
寶氣空妖僧一炬燒雲紅六丁獨抱石君去多年穩卧馮  
夷宮老漁大笑呼君起有似麋賓躡池水清光耿耿照秋

印明彙言區卷一百二十三  
霜錯道文山猶未死吁嗟乎文山到今原不死可惜青松

斲研趙承旨

承旨松研今尚在  
見董太史潮詩集

### 秋夜獨坐答張南山

落葉蕭騷秋氣深無情星漢自西沈四邊蛩語喧牆角一

綫燈光透竹陰元亮詩篇形贈影南華身世目憐心多愁

奈爾張平子說起歸田憶故林

來詩有躬耕難  
學士無田句

### 六月二十二舟中睡起

殘月雖如玦清光猶滿天疎星低倚樹遠水澹收煙酒醒

三更後涼生初伏前誰知勞擾際偷作片時仙

### 峽山飛來寺

琳宮橫跨碧雲端六月靈風透骨寒老木千章森積翠飛  
流百道走驚湍地偏僧亦忘機久山好詩愁著語難十載

征途空往返塵容慚愧一憑欄

舟過山前屢矣今始一游

松門雲碓淨無塵身到諸天眼界新  
采藥至今思帝子獻環何處覓佳人  
神仙偶作繁華夢草木猶含太古春  
悟徹閻浮皆幻景強尋來去總非真

戴鑑字賦軒號石坪濟甯人有潑墨軒集

詩話石坪少從季父宦游江南往來京口邗上最久  
晚歲里居食貧畫效黃秋盦得其蕭澹之味世甚重  
之詩亦澹逸拔俗  
五言尤勝兼工詞

田家雜詩

和風扇微暎郊原淑氣新  
昨夜時雨過萬物同一春  
邱墟上朝日荷鋤見農人  
歲功自茲始爲志誠殷勤  
旣耕當復種筋力多苦辛  
拮据有時息談笑聚四鄰  
少長雖異姓歡如骨肉親  
問彼何能爾去僞存天真

種瓜隴土平漚麻塘水滿農月田事多作苦詎能免侵曉  
草際行卓午林下飯日淡禾黍墟好風冷然善雞犬近方  
識桑柘遙莫辨長歌笑語歸荒途夕陽晚

北風吹寒林田廬夜熏鼠甕牖鐙火紅團樂聚兒女老翁  
調幼孫蹲鴟半宵煮人間無歡場卽此是樂土東城有達  
官簿書日勞苦到老不歸田何異在網罟

對雪

素影上簾旌玉宇殊清絕鬪雀傍檐飛觸落梅梢雪  
虛齋簾不捲謾謾打窗聲素色來書幌無鐙夜自明

丁丑歲暮喜史梅裳歸自河中

冰雪滿川陸南天鴻雁飛故人在宛洛歲暮今始歸春色  
已堪斝酒徒相見稀閒散足爲樂孰云吾道非

東陳行之

潦倒成何事支離笑此身養尊惟有懶醫俗莫如貧對雪  
思佳釀探梅愛早春谷寒吹暝律難變白頭新

舟泊京口作

荻花搖落見蒼煙渺渺江流接楚天獨鳥飛沈秋草外亂  
山青到戍樓前潮通澤國寒生月風颭檣燈夜泊船沙際  
漁歌兼牧笛中宵晤起水窗眠

覺羅舒敏字叔夜號時亭又號石舫滿洲旗人有適齋

居士集

詩話石舫爲春圃制軍伍拉納子語鈴中丞崇恩父  
制軍坐事見法諸子戍伊犁石舫在戍所三年赦還  
又四年還病卒年僅二十有七詩在伊犁作者號秋  
笳吟赦還後作號課花軒遺草中丞官江蘇按察時  
合編付刻感懷身世  
多蒼涼沈鬱之音

慘別離

步填集言部卷一 下 二二三

三

吁嗟乎慘別離迢迢後會殊難期  
慈親相送淚如縷哀兒萬里  
戍條文條文雖違君恩近  
屬兒首路心勿悲諄諄母  
訓猶在耳未得生還弟先死  
玉門東望白雲重隔斷音塵  
六千里回思車馬出城東  
縞素征衣血淚紅獄吏催行怒  
如虎誰爲阮籍悲途窮嘉峪關  
前北風吼驚沙撲面怪石  
走不辨東西天黑黃雪壓征裘  
大於手相逢異地盡戎羌  
毳帳連雲客斷腸喁喁不解  
作何語意似憐我來殊鄉縱  
橫虎爪留霜積疲馬蹒跚宿  
戈壁荒煙冷月四無人鬼哭  
狐噪動心魄滔滔歲月如驚  
波淚痕漬透魯陽戈生死吞  
聲向前去舉頭天外塞鴻過  
塞鴻過不寄鄉書奈汝何

途次松樹塘大雪

枕戟提戈萬里天，雪深沒脛馬愁前。  
昌黎當日藍關去，祇說潮陽路八千。

秋夜

秋風秋雨逗秋寒，擁被纔醒夜未闌。  
老屋燈昏蛩語澀，荒城笳斷雁聲酸。  
壯懷磊落知心少，世路崎嶇入腳難。  
屈指愁腸眞百結，年來鄉里幸平安。

自酌

何日唱刀環，傷心醉裏顏。  
無文難弔屈，有筆欲投班。  
客淚多於雪，離愁重似山。  
雞竿知有待，秣馬喜生還。  
赤腳踏層冰，艱難氣倍增。  
問年新戍卒，晞髮老禪僧。  
憶別詩千首，消愁酒數升。  
古來河朔飲，浮白記吾曾。

訪浦謙齋

煌

扣雲

煥

昆季夜話



北窗一夢覺夕陽已西  
隕念我素心人躡履來高齋  
新詩入超妙清談雜詼諧  
幽興猶未已忽驚鼓角催  
相送及柴門月明松徑苔  
此境殊不惡應繫他年懷

再寄舒春林

琴樽風月舊生涯  
幾度伊州歎歲華  
萬里音書空附鶴  
五更鼓角亂唳鴉  
冰霜獨處憐蘇武  
山水知音感伯牙  
莫怨玉門春不到  
好憑羌笛問梅花

晚晴移詩匯卷一百二十三終